

FANTSE

AMANAMAN NKABOMU  
KUW HO NHYEHYE  
NA  
AMANAMAN  
ATSENTSENENE  
ASENDZII HO MBRA



United Nations

**Amanaman Nkabəmu Kuw Ho Nyehyεε  
Na  
Amanaman Atsentsenenee Asəndzii Ho  
Mbra**



**United Nations • New York, 1993**

# **AMANAMAN DAWURBO EDWUMA MU**

First published 1999

ISBN 9964-2-0031-5



Translated and Printed by  
Bureau of Ghana Languages  
Accra.

## Nhenmu

Obiradzi 26, 1945 na wədze nsa hyee Amanaman Nkabəmu Kuw Nhyehyee ase wə San Francisco. Ohyee ase yee edwuma wə Əbesə 24, 1945 wə ber a wowiee Amanaman Nkabəmu Kuw Nhyiamu a ofa Wiadze Aman Egyinatu Kuw ho no. Dəm Amanaman Atsəntsenenəe Asəndzii ho Mbra yi yee Nhyehyee no ne fā bi.

Amanaman Nkabəmu Kuw no ne Mbrahye Bagua no gyee nsakyer a wəyee no wə Asemprəw 23, 27 na 61 Nhyehyee no mu no too mu wə Mumu 17, 1963 naasə wədze hyee ase yee edwuma wə Dzifuu 31, 1965. Wəsanee yee nsakyer wə Nhyehyee no n'Asemprəw 61 no mu bio wə Mumu 20, 1971, ma Nhyiamu Kuw Kəse no gyee too mu na wədze yee edwuma wə Fankwa 24, 1973. Nsakyer a Nhyiamu Kuw Kəse no yee wə Asemprəw 109 no mu wə Mumu 20, 1965 mu no, wədze yee edwuma wə Obiradzi 12, 1968.

Nsakyer a wəyee no wə Asemprəw 23 mu no ama Bambo ho Egyinatu Kuw no no mu mba no atserəw efi dubiako kə duenum. Nsakyer a wəyee no wə Asemprəw 27 mu no nye də, asem biara a Bambo ho Egyinatu Kuw no nam nhyehyee kwan do bətow ho amba agye ato mu no, əwə de kuwmba no mu baakron (nkaano na wəyee beesuon) a akərbəto no mu beenum kā ho bi no gye to mu.

Nsakyer a wəyee no wə Asemprəw 61 mu, na wəgyee too mu dze yee edwuma fi Dzifuu 31, 1965 mu no wəsesaa Sikasəm ho Egyinatukw a əhwə Sikasəm na Nkitahodzi Egyinatukw do no mu nyimpadodow

fi duawotwe kor eduonu-esuon. Nsakyer a wɔyεs no wɔ dɛm Asempɔw yi mu wɔ ekyir yi a wɔdze yεs edwuma wɔ Fankwa 24, 1973 mu no, sanee maa Egyinatukuw no mu nyimpa dodow no fii eduonu-esuon kor-eduonum-anan.

Nsakyer a wɔyεs no wɔ kasapen a odzi kan no mu wɔ Asempɔw 109 mu no kyere de se wɔhwe Nhyehyεs no mu ye nsakyer bio a, owo de Nhyiamu Kuw Kese no no mu nyimpa nyina hyia tow ho amba. Owo de Egyinatufo no mu nkyεmu ebiasa no mu ebien nye Bambo ho Egyinatukuw no mu baakron (nkaano na wɔyε beesuon) so kā ho tow amba no bi dze pen ber, na bea a wobehyia aye dɛm nsakyer no. Asempɔw 109 no mu nkyekyεmu a ɔtɔ do ebiasa no kyere de, se Nhyiamu Kuw Kese no hyia dzi hɔn dwuma de mbre ofata na odu nhyiamu a ɔtɔ do du no so do a, wobegyina Mbira dadaw a ɔma Bambo ho Egyinatu Kuw no mu nyimpa beesuon tow amba no do", na wɔbɔtow amba no de mbre Nhyiamu Kuw Kese no nye Bambo ho Egyinatu Kuw no gyee too mu wɔ afe 1955 mu no.

**AMANAMAN NKABOMU KUW NHYEHYE**

***Hēn nyimpa a yewō  
Amanaman Nkabəmū Kuw no mu no***

***si no tadua de***

yebəbə mbasantsen a woreba no ho ban efi gkokokoeko tse de akō akese ebien bi a osisii hēn aber dō a hēn eyi tuae a ɔdze ɔshaw kese a onnyi kasu na abrebresé bōtoo adasa do no ho, na

yεahye ato mu de yebəbə nyimpa biara ne kyεfa na ne ndzinoa, de ɔyε ɔbaa anaa banyin, ofi kurow kese anaa kakraba mu ho ban, na

yεahwe ma atsentsenenee nye obu aayε n'edwuma, na yεahwehwε akwan horow a yεbεfa do abo wiadze aman horow nkaa no mbra ho ban ma aatsena hō afebəo, na

yεahwe ma mpontu na asetsena pa aaba obiara n'abrabo mu,

***na ɔnam iyinom ntsi***

yεahwe ma abodwee na asomdwee aaba hēn asetsena mu ma yaatsena de enuanom, na

yεahwe ma asomdwee na bambo pa aaba amanaman ntamu, na

yεahwe kwan pa a yεbεfa do ebu hēn man a yennkεfa nsordaafo ayε basabasa, gyedε ɔnam hēn nyina hēn yieyε ntsi, na

yεahwe kwan pa a yεbεfa do nye wiadze aman edzi

## CFA 1

### BOTAE NA NGYINADO

#### *Asemprow 1*

Amanaman Nkabomu Kuw no no botae nye dɔ:

1. Obəhwə ma wiadze aman asomdwee ho bambo eetsim, na ne dəm ntsi hən nyina dze korye bəhwə eyi epoobə na mpuw na biribiara a əmmfa asomdwee mmba akwa, na ɔafa Amanaman Atsentsenenee Asendzii ho mbra ngyinado no do esiesie etsi-me-na -aka-me biara a əbeba abeda amanaman ntamu anaa əbəhwə esiw adze biara a ənnkefa asomdwee aba no ano;
2. Ənam obu a ɔye nyimpa biara ne kyəfa ne ngyinado no do bəhwə ma anyenkoye a əda amanaman ntamu no no kwan pa a ədze asomdwee bəba wiadze no edzi mu;
3. Obəhwə kwan pa a ənam do besiw akwambew biara a əwo wiadze aman sikasəm, asetsena, amambra anaa hən nyimpasu mu, na əahwə ma obu a yədze ma nyimpa, ne kyəfa na ne fahədzi a əwə a wənnkəye nkyerəkyerəmu biara wə ne nyimpasu, n'ahosu, ne kasaa anaa ne nyamesom mu; na
4. Obəye ngyinadodze bi ama aman nyinara eyiedzi eetu mpon.

## Asempow 2

Kuw no na no mu Nyimpa bëfa dza odzidzi do yi do ama nsem a wɔakā wō Asempow 1 no eedzi mu:

1. Kuw no ne nhyeheyɛɛ nye de ɔbɔhwɛ de no mu nyimpa nyinara bifi ɔman a hɔnara dzi hɔn mansin mu.
2. Kuwmba no nyina dze ɔpɛpa bɛhyɛ ase dze dem mbra fofor yi edzi dwuma de mbre ɔbɛyɛ a hɔn nsa bækā hɔn kyɛfa na ndzinoa de wɔye kuwmba.
3. Kuwmba no bɛfa asomdwee kwan do esiesie hɔn aman na aman fofor ntamu nsem de mbre ɔbɛyɛ a mbusu biara nnkɛba aman mu asomdwee, bambo na atsentse nenee ho.
4. Kuwmba no nnyi ho kwan de wobopuw ɔman fofor bi anaa wɔbɛhyɛ hɔn anaa wō dze hɔnho bɛhyehyɛ hɔn amanyesem mu anaa ɔbɛyɛ biribi a obetsia Amanaman Nkabɔmu Kuw no no botae.
5. Kuwmba no nyina bɛtaa Amanaman Nkabɔmu Kuw no ekyir wō ne ndzeyɛɛ nyina mu de mbre ne mbra no kyere seseiara no, na onnyi de wɔkɛma ɔman bi a Amanaman Nkabɔmu Kuw no rotwe n'aso wō ndzeyɛɛ bi ho no mboa
6. Kuw no bɔhwɛ de aman a wɔnnɔm Amanaman Nkabɔmu Kuw no so bɛfa ne

ngyinadosem do bema asomdwee na mbo  
aba wiadze aman nyina ntamu.

7. Biribiara nnyi dəm mbra fofor yi mu a ḡma Amanaman Nkabəmu Kuw no ho kwan ma ḡkəgye ɔman bi efisem to no do, anaa onnkotum so ama Kuwm̄ba no kwan de wəmfā nsem a ḡtse dəm no mbre mbra fofor yi ase de wonsiesie, mbom dəm nhyehyɛs yi nntum nnsiw nhyehyɛs a ɔwɔ ɔfā VII no ano.

## ɔFA II

### KUWMBA

#### Asempow 3

Amanaman Nkabəmu Kuw no no mu mba bəye  
aman a wəkər Amanaman Nkabəmu Kuw  
Nhyiamu wɔ San Francisco, anaa aman a wədze  
hən nsa hyɛs Amanaman Nkabəmu Kuw  
Nhyehyɛs no ase wɔ Sanda 1, 1942 anaa aman  
a wədze hən nsa hyɛs dəm Mbra fofor yi ase  
gyee too mu de mbre Asempow 110 kyere no.

#### Asempow 4

1. Amanaman Nkabəmu Kuw no bəgye ɔman biara  
a ɔye asomaweeeman na obedzi Mbra fofor yi do  
pərəepepər no ato mu.
2. Ansaana Nhyiamu Kuw Kese no bəpen agye  
ɔman fofor bi ato Amanaman Nkabəmu Kuw

no mu no gyedə Bambo ho Egyinatu Kuw aye hon nsusui ma Kuw Kese no agye ato mu.

## Asempow 5

Se Bambo ho Egyinatu Kuw no siw Kuwba bi ne ndzeyee ho kwan wo Amanaman Nkabomu Kuw no mu a, wobotwe no asen ma ne kyefä na ne ndzinoa aabo no wo kuw no mu. Demara so na Bambo ho Egyinatu Kuw no botum dze oman no mfomdo akye no ma oasasan enya ne kyefä na ne ndzinoa wo kuw no mu bio.

## Asempow 6

Se Kuwba bi bu nhyeheyee a wo mbra Fofor no mu no do mpem pii a, Bambo ho Egyinatu Kuw no beye nsusui dze ama Nyiamu Kuw Kese no ma oegyina do eyi dem kuwba no efi Amanaman Nkabomu Kuw no mu.

## OFA III

### Kuw no no nkorbata horow

## Asempow 7

- 1) Ekuw horow a wo Amanaman Nkabomu Kuw no mu nye: Nyiamu Kuw Kese, Bambo ho Egyinatu Kuw, Sikasem na Asetsena Egyinatu Kuw, Nhwedø Egyinatu Kuw, Atsentsenenee Asendzii ho Mbra na Okyerewfo Panyin Edwuma mu.

2. Dəm rnbra yi ma ho kwan ma sə okehia a wətsetsew ekuw nkakraba dze hye kese bi ase.

### **Asemprəw 8**

Amanaman Nkabəmu Kuw no nnsiw ho kwan de wətow amba yi banyin anaa əbaa bi ma əkeka kuw no ho dzi dwuma wə no kuw kese anaa kuw no no nkorbata horow no mu bi mu, siantsir nye de, kuw no ne nhyehyeə no kyere de nyimpa nyina yə pər.

### **OF A IV**

### **Nhyiamu Kuw Kese No No Mu Mba**

### **Asemprəw 9**

1. Amanaman Nkabəmu Kuw no no mu nyimpa nyina na wəka bəmu yə Nhyiamu Kuw Kese no.
2. Onyi de Kuwba biara no mu nyimpa bor beenum wə Nhyiamu Kuw Kese no mu.

### **Dwumadzi Na Tum**

### **Asemprəw 10**

Nhyiamu Kuw Kese no botum atoatoa adwen wə nsəmbisa biara a dəm Mbra yi ma ho kwan anaa nsəmbisa biara a əfa tum a kuw no dze ahye kuw no no nkorbata biara nsa, na, gyedə dzə wəakā ho asem

wə Asemprəw 12 no mu hə.no, de wədze asem  
no bəto Amanaman Nkabəmu Kuw no anaa  
Bambə Ho Egyinatu Kuw anaa Ekuw ebien no  
nyina enyim.

## Asemprəw 11

1. Nhyiamu Kuw Kese no bədwendwen Amanaman Asomdwee na Bambə ho nye ne nhyeheyəs a ɔfa akodzi na akodze ho, na wəbəhwə dəm nhyeheyəs yi aye nsusui dze akoto Nhyiamu Kuw Kese no anaa Bambə ho Egyinatu Kuw no anaa Ekuw ebien no nyina enyim.
2. Nhyiamu Kuw Kese no bətoatoa adwen wə nsembisa bi a ɔfa wiadze asomdwee na bambə ho a Kuwba biara a ɔkā Amanaman Nkabəmu Kuw anaa Bambə ho Egyinatu Kuw anaa əman biara a ɔnnka Amanaman Nkabəmu Kuw no ho dze bəba abəto enyim de mbre Asemprəw 35, ne nkyekyem 2 ma ho kwan no, na, wəgye to mu de mbre wɔakā ho asem wə Asemprəw 12 no ama kuw no aaye nsusui a ɔfa dəm əman anaa aman no ho anaa Bambə ho Egyinatu Kuw anaa ekuw ebien no nyina ho. Se okehia de ɔkā ho asem bi a, əwə de Nhyiamu Kuw Kese no dze koto Bambə Ho Kuw no enyim ansaana wɔakā ho asem anaa wɔakā ho asem ekyir no.
3. Nhyiamu Kuw Kese no botum atwe Bambə ho Egyinatu Kuw no adwen aba ndzeyəs bi a ɔdze basabasaye bəba amanaman asomdwee na bambə ho do.

4. Tum a wɔdze ama Nyiamu Kuw Kese no wɔ dɛm Asemponw yi mu no nntum nntsew Asemponw 10 no no tum do.

### **Asemponw 12**

1. Onam de dɛm Mbra fofor yi ama Bambo ho Egyinatu Kuw tum a wɔdze bedzi dwuma bi ntsi, Nyiamu Kuw Kese no nnye nsusui biara mma no a ɔfa no basabasaye ho gyedɛ Bambo ho Egyinatu Kuw no ankasa ebisa.
2. Se Bambo ho Egyinatu Kuw no pen do a, ɔkyerewfo Panyin no dze nsem bi a Bambo ho Egyinatu Kuw gu do ridzi ho dwuma no bɔto Nyiamu Kuw Kese no enyim wɔ dwumadzi n'ahyɛse biara mu afa tsena a wɔbɔhwɛ ama wiadze amanaman asomdwee ho bambo atsena hɔ afebow no ho, na dɛmara so na ɔkyerewfo Panyin no bɔbɔ Nyiamu Kuw Kese no amandzɛɛ, na se Nyiamu Kuw Kese no regye n'ahom dze a, ɔbɔbɔ Amanaman Nkabomu Kuwmba no amandzɛɛama Bambo ho Egyinatu Kuw no egypt asem no ho dwuma dzi ntsemara.

### **Asemponw 13**

1. Nyiamu Kuw Kese no bɛye adzesua ho nhyeheyɛe na nsusui wɔ dza odzidzi do yi ho:
  - a. ɔbɔhwɛ ma mpontu aaba amanaman amanyɛ mu na ɔaahwɛ so ma amanaman mbra so aayɛ n'edwuma de mbre ɔfata;

- b. əbəhwəs ma mpontu aaba amanaman sikasəm, asetsena, amambra, adzesua na apɔwmudzen mu, na əahwə aboa ama nyimpa ne kyεfa na ne fahodzi a əwə no aakə do pεrεesεrεr wə ber a wənnye nyiyimu wə obi n'ahosu, n'awosu, ne kasaa, anaa ne gyedzi mu.
2. Asadze fofor dwumadzi na tum a Nhyiamu Kuw Kese no wə fa nsəm a wəakā no wə nk'yeyəmu 1 (b) mu no, wəakā ho nsəm nyinara so wə ɔfā IX na X mu.

### **Asemprəw 14**

De mbre wəakā ho asem wə Asemprəw 12 no, Nhyiamu Kuw Kese no botum esusu kwan bi a wəbəfa do etsia ndzɛmba bi a ɔnnkεfa asomdwee aba ho a wənnkədwən ne farbaa ho, na wosusu de obotum asees ahoto na anyenkoye a ɔda amanaman ntamuna nsəm bi a obotum asees botae pa a wədze yee dəm mbra yi na wənam do tseew Amanaman Kuw yi no.

### **Asemprəw 15**

1. Bambo ho Egyinatu Kuw no dze dwuma a wobedzi wə afe no mu na dwuma soronko bi a wobedzi no mu nsəm bəkə akoto Nhyiamu Kuw Kese no enyim ma woesusu ho; dəm dwumadzi yi ho asem bəfa kwan a Bambo ho Egyinatu Kuw no bəfa do edzi dwuma ma wiadze asomdwee na no ho bambo ho asem atoto yie ho.

2. Nhyiamu Kuw Kese no bεgye ndwuma a kuw no no nkorbata ahorow a chye Amanaman Nkabɔmu Kuw no ase no edzi no afe mu no nyina no esusu ho.

### **Asemprɔw 16**

Nhyiamu Kuw Kese no bedzi dwuma a ɔfa nhwedo eginyinatu kuw ho dε mbre wɔakā ho asem wo ɔfā XII na XIII ho no; nye dza nhwedo kuw no agye ato mu no so.

### **Asemprɔw 17**

1. Nhyiamu Kuw Kese no bosusu Kuw no ne sikasem ho na ɔagye ato mu.
2. Nhyiamu Kuw Kese no bɔhwε akyekye Kuw no no dwumadzi ho kaw nyina amema Kuwmبا no dε mbre ɔfata.
3. Nhyiamu Kuw Kese no bɔhwε esusu sikasem biara a kuw soronko a wɔakā ho asem wo Asemprɔw 57 aye no ho na ɔagye ato mu, na ɔahwε dem kuw soronko no mbre no dwumadzi tse, na ɔaayε ho nsusui ama hɔn.

Ambatow

### **Asemprɔw 18**

1. Nhyiamu Kuw Kese no no mu nyimpa biarā wo ho kwan dε ɔtow amba kor per.
2. Ansaana wɔbεgye Nhyiamu Kuw Kese no no nsusui a ɔaye a ɔfa nsembisa etsitsir bi

ho ato mu no, gyedε Kuw no mu nyimpa nkyεmu ebiasa no mu ebien agye ato mu ana. Dεm nsεmbisa etsitsir no bi nye: dza ɔfa amanaman asomdwee na bambo ho, aba a wɔtow yi nyimpa ma wɔaakεkā Bambo Egyinatu Kuw no ho, Sikasem nye Asetsena, Hwεdofo Egyinatu Kuw de mbre wɔakā ho asem wo Asεmpow 86, nkyekyεmu 1 (c) no mu, de wɔbεgye Kuwmba afofor abεkā Amanaman Nkabεmu Kuw no ho, de wɔbεtwe obi ne kyεfa ne ndzinoa na asan, de wobeyi Kuwba ne ndzinoa bi edzi, na nsεm a ɔfa Nhεdofo dwumadzi nye sikasem ho.

3. Tadua biara a wobesi a ɔfa nsεmbisa binom so ho no, gyedε Kuw no no mu nyimpa nkyεmu ebiasa no mu ebien agye ato mu ana.

### **Asεmpow 19**

Sε Kuwba bi enntum enntua no tow bεye mfe ebien a, wonnketsie no ma ɔatow amba wo Amanaman Nkabεmu Kuw no mu. Sε eso, Nhyiamu Kuw Kεse no hu de ɔye fintsidua bi a wonnyi ho tum na osiw sikatua no ho kwan a, ɔno wɔbεma no kwan ma ɔaatow amba no bi.

### **Kwankyerε**

### **Asεmpow 20**

Nhyiamu Kuw Kεse no behyia afe biara de mbre Kuw no ne nhεhyεs tse no, na se

okehia so a wɔayɛ nhiamu soronko bi so. Ansaana wɔbeyɛ nhiamu soronko bi no, gyedɛ Bambo ho Egyinatu Kuw anaa Amanaman Nkabomu Kuw no mu nyimpadodow no ahyɛ Okyerewfo Panyin no de omfre dem nhiamu no.

### **Asempew 21**

Nhiamu Kuw Kese no bɛfa hɔnankasa hɔn mbra do edzi hɔn dwuma. Ber a wobehyia mu no, wɔbɔtow amba dze eyi hɔn President.

### **Asempew 22**

Nhiamu Kuw Kese no bɔhwɛ atsetsew ekuw nkorbata ahorow dze edzi hɔn dwuma de mbre wɔrohwɛhɛwɛ.

## **OFA V**

### **Bambo Ho Egyinatu Kuw.**

### **Bambo Ho Egyinatu Kuw No No Mu Nyimpa**

### **Asempew 23**

1. Amanaman Nkabomu Kuw no no mu duenum na wɔbeyɛ Bambo Ho Egyinatu Kuw edwuma. Amanaman a wɔbeyɛ Bambo ho Egyinatu Kuw no mu mba akorboto nye China, France, Russia the United Kingdom of Great Britain na Northern Ireland na United States of America. Nhiamu Kuw Kese no bɔtow amba eyi nyimpa du bi so efi Amanaman Nkabomu Kuw no mu.

Dəm nyimpa du yi nnketsena Bambo ho Egyinatu Kuw no mu afebəə. Wəbəhwə mbədzen a dəm nkɔrɔfo yi abo dze aboa Amanaman Nkabəmu Kuw no wə wiadze asomdwée na no ho bambo dwumadzi ho na mbre hən dwumadzi tse wə aman nyina mu.

2. Dəm nyimpa a wənnketsena Bambo ho Egyinatu Kuw no mu afebəə a wədze hən abekā Bambo ho Egyinatu Kuw no ho no bəye edwuma mfe ebien ara pər. Ansaana wəbətow amba eyi dəm nyimpa a wənnka Bambo Egyinatu Kuw ho akəfora akərbətoto no mu no, nna wədze nyimpa anan bi abekā nyimpa dubiako no ho ma wəayə duenum. Dəm nyimpa baanan yi mu bəenu bəye edwuma afe kor ara. Wənnkətow amba eyi obi a oewie n'edwuma ye wə oku no mu bio.
3. Nyimpa kor pər na obegyina ne man ananmu wə Bambo ho Egyinatu Kuw no mu.

### **Dwumadzi na Tum**

#### **Asemprəw 24**

1. Mbre əbeyə a Amanaman Nkabəmu Kuw no edwuma bəkə do yie no, Kuwmba no na Bambo ho Egyinatu Kuw no bedzi kan edzi nkitaho wə wiadze asomdwée na no ho bambo ho, na wəqəpen do de Bambo ho Egyinatu Kuw no ngyina hən ananmu ndzi dwuma bi mma hən.

2. Bambo ho Egyinatu Kuw no nam Amanaman Nkabomu Kuw no no Botae na Nyehyee no do na əbeye dem ndwuma yinom. Dwumadzi tsitsir a wodze ahye Bambo ho Egyinatu Kuw nsa no na woakā ho asem wō Ḍfā VI, VII, VIII, na XII no.
3. Bambo ho Egyinatu Kuw no dze no dwumadzi ho nsem bokō akoto Nyiamu Kuw Kese no enyim mà woeesusu ho.

### **Asempow 25**

Amanaman Nkabomu Kuw no no mu mba nam dem Mbra fofor yi do gye nsusui a Bambo ho Egyinatu Kuw aye no to mu.

### **Asempow 26**

Mbre əbeye a wiadze asomdwee na noho bambo bokō do yie wō ber a akodze rutu adasa ase na ɔressε ne sikasem no ntsi, wɔamā Bambo ho Egyinatu Kuw no tum de ɔnye Nsordaafo Egyinatu Kuw a woakā ho asem wō Asempow 47 no mu no nyε nyehyee mma Amanaman Nkabomu Kuw no ma wɔnkyere no kwan a ɔmfa do ma akodze ano mbre adze.

### **Ambatow**

### **Asempow 27**

1. Bambo ho Egyinatu Kuw no mu nyimpa biara bɔtow amba kor.
2. Se əkeba no de Bambo ho Egyinatu Kuw no rotow

amba wɔ nsusui bi ho a, Kuwmba no mu baakron na cwa de wɔpen dem nsusui no do.

3. Se ɔkeba no de Bambo ho Egyinatu Kuw no rotow amba wɔ ndzemba bi so ho a, Kuwmba no mu baakron a akɔrbotofo no mu bi kā ho wɔ de wɔpen do; de mbre wɔaka wɔ ɔfā VI, Asempow 52 ne nkyekyem 3 hɔ no, kuwba a asem no fa no ho no nnkɔtow amba.

### ***Kwankyerε***

#### **Asempow 28**

1. Wɔbɛhyehye Bambo ho Egyinatu Kuw edwuma no wɔ kwan bi do a ɔbɛma no mu dwumadzi aakɔ do waawaa. ɔnam dem ntsi, Bambo ho Egyinatu Kuw bɔdwen do ako nhiamu.
2. Bambo ho Egyinatu Kuw no bεyε hɔn nhiamu ofi ber to ber, se okehia a, aban n'ananmusinyi anaa obi a ɔahye da ara eyi no bɔkɔ nhiamu no bi.
3. Nnye Bambo ho Egyinatu Kuw esiw do nko na wobotum aye nhiamu, na mbom wobotum aye no wɔ bea a ɔfata biara.

#### **Asempow 29**

Bambo ho Egyinatu Kuw no botum atsew ekuw nkorbata ahorow bi a wosusu de oye a ɔbɛma kuw no no dwumadzi eedzi mu.

## **Asempow 30**

Bambo ho Egyinatu Kuw noara bəhyehye hon  
mbra a wəbefa do edzi hon dwuma nye kwan a  
wəbefa do eyi hon Président.

## **Asempow 31**

Kuwbi biara a ɔkā Amanaman Nkabomu Kuw  
noho na ɔnnka Bambo ho Egyinatu Kuw no ho no  
botum nye Bambo ho Egyinatu Kuw no ehyia  
atoatoa adwen a ɔfa asem bi ho na mbom  
onnkotum atow amba wə ber a Bambo ho  
Egyinatu Kuw no ehu de asem a wərekā no fa  
Kuwba no noho.

## **Asempow 32**

Kuwba biara a ɔkā Amanaman Nkabomu Kuw  
no ho na ɔnnka Bambo ho Egyinatu Kuw no ho  
no, se asem a Bambo ho Egyinatu Kuw no  
rotoatoa ho adwen no fa no ho a, wobotum afre  
no ma ɔnye hon akotoatoa adwen na mbom se  
ɔba no de wərotow amba a onnkotum atow bi.  
Bambo ho Egyinatu Kuwno bəkyere kwan pa a,  
wosusu de oye a, dəm ɔman no a ɔnnka  
Amanaman Nkabomu Kuw no ho bəfa do nye  
hon atoatoa adwen.

## **OFA VI**

### **Asensiesie**

## **Asempow 33**

1. Se akasakasa bi si aman bi ntamu, na ɔkə do  
kyer a ɔdze ɔshaw bəba wiadze asomdwee na

asomdwee na noho bambo mu a, wobedzi kan ahwehwε kw'an pa bi afa do ebisabisa mu, atoatoa ho adwen, ehu nokwar a ɔwo mu, esiesie ama yie aatoa yie anaa wobotu egynatufo bi ma woɔayε nhyeheyεε pa a ɔdze asomdwee bεba.

2. Se Bambo ho Egyinatu Kuw no hu dε noho hia a, ɔbefre aman a akasakasa esi hɔn ntamu mu no esiesie ama yie aatoa yie.

#### **Asemρow 34**

Se Bambo ho Egyinatu Kuw no hu dε akasakasa bi roko do a ɔdze ɔshaw bεba wiadze asomdwee na no ho bambo mu a woɔayε nhyeheyεε dze esiw ano.

#### **Asemρow 35**

1. Kuwba biara a ɔkā Amanaman Nkabomu Kuw no ho no botum atwe Bambo ho Egyinatu Kuw anaa Nhyiamu Kuw Kese no adwen aba akasakasa anaa nsem bi a woakā ho asem wo Asemρow 34 ho no do.
2. ɔman biara a ɔnnka Nkabomu Kuw no ho no botum atwe Bambo ho Egyinatu Kuw anaa Nhyiamu Kuw Kese no adwen aba akasakasa bi a ɔfa dεm ɔman kor no ho no do ama ɔaagyε ato mu na woesiesie no dε mbre woakā ho asem wo dεm Mbra fofor yi mu no.
3. Nhyiamu Kuw Kese no begyina Asemρow 11 na 12 no mu nsem no do dze esiesie nsem biara a woɔdze bεba aboto n'enyim no.

### **Asempow 36**

1. Bambo ho Egyinatu Kuw no bɔhwɛ akyere kwan pa bi a wɔbefa do esiesie akasakasa ana a nsem biara a otse de mbre wɔakā ho asem wo Asempow 33 no.
2. Bambo ho Egyinatu Kuw no bosusu ho ehu kwan a, aman a akasakasa esi hon ntamu no open do de oye kwan pa a wɔfa do siesie asem no a ɔbeyɛ yie.
3. Se Bambo ho Egyinatu Kuw no begyina dem Asempow yi do akā biribi a ɔfa asem a wosiesie ho a, ɔwɔ de ɔkaa so de mansotwe ho asem biara no ɔwɔ de ɔdze koto Amanaman Atsentsenenee Asendzii no enyim.

### **Asempow 37**

1. Se aman a akasakasa esi hon ntamu, de mbre wɔakā ho asem wo Asempow 33 no enntum amma wɔammfa dem Asempow Mbra no do ennsiesie asem no a, wɔdze bɔkɔ akoto Bambo ho Egyinatu Kuw no enyim.
2. Se Bambo ho Egyinatu Kuw no hu de akasakasa no botum dze ɔhaw aba wiadze asomdwéé na bambo ho a, wobotum adwen ho de wobegyina Asempow 36 do akā asem no anaade wɔbɔhwehwe kwan fofor biara a wosusu de oye do dze esiesie asem no.

### **Asempow 38**

Nsem a ɔwɔ Asempow 33 kεrem 37 no mu nyina ekyir.

ekyir no, se aman a akasakasa esi hon ntamu no pen do a, Bambo ho Egyinatu Kuw no botum aye nsusui bi a obefia do dze esiesie asem no.

## OFA VII

Mpuw, Epoobo na Ndzeyses a osees asomdwee

### Asemrow 39

Ansaana Bambo ho Egyinatu Kuw begye ato mu de ndzeyses bi ye mpuw, epoobo anaa ndzeyses a obesee wiadze asomdwee na no ho bambo no, obedzi kan ahwehwe kwan a obefia do ama yie aatoa yie de mbre Asemrow 41 na 42 mu nsem kyere no.

### Asemrow 40

Mbre obeyes a wobesiw ndzeyses bon bi ano ntsem, esi ho gyinae, ehu mbre wobesi akā asem no afa, de mbre Asemrow 39 kyere no, Bambo ho Egyinatu Kuw no befri aman ebiien no a asem no fa honho no ada hon nsusui a wɔayes a ɔfa asem no ho edzi akyere hon. Asem a wɔakā afa dem aman ebiin no asadze, hon apedze na hon gyinabew ho no nnkesakyer wo kwan biara do. Bambo ho Egyinatu Kuw no bɔhwɛ siantsir kor a dem nhyeheyse yi enntum annko do.

### Asemrow 41

Bambo ho Egyinatu Kuw no bɔhwɛ kwan pa a obefia do a ɔnnkefa nsordaafo ahye obi de ondzi gyinae a woesi no do, na mbom ɔdze bɔto Amanaman Nkabomu Kuw no enyim ama ɔaaħħwɛ ma woedzi dem gyinae a woesi no do. Dza wɔbeyses

nye dε, wɔnnkem a kwan ma ɔnam keteke, wusihεn, wimuhεn, telegram, radio na ndzemba a ɔkeka ho a wɔnam do nye nkorofo dzi nkitaho no nnkedzi nkitaho bio, na wɔasan so nye hɔn etwa anyenkoye mu.

### Asempow 42

Sε Bambo ho Egyinatu Kuw no hwehwε hu dε nsεm a wɔakā no wɔ Asempow 41 mu no nnkotum aboa a, wɔdze bεfa wimu, po na asaase do nsordaafo do ama yie aatoa yie. Dza wɔbeyε nye dε, wɔdze Amanaman Nkabomu Kuw no no mu mba a wɔyε po, wimu na asaase do nsordaafo bεye nyεkyere ahorow, na wɔahwε ma gyinae a woesi no edzi mu.

### Asempow 43

1. Mbre ɔbeyε a Aman a wɔkā Amanaman Nkabomu Kuw ho no bɔhwε ma wiadze asomdwεe na noho bambo aatsena hɔ afεbɔɔ no, mboa biara a ɔfa nsordaafo ho a ɔdze asomdwεe na bambo bεba no Kuwmba no dze bεma.
2. Ansaana wobesi gyinae afa mboa a kuw no behia efi ɔman bi mu nsordaafo hɔ no, ɔwɔ dε wohu nsordaafo kor no, hɔn dodow, bea a wofi, ahoboa a wɔayε, ndzemba a wɔwɔ nye dza ɔkekā ho biara a obehia hɔn.
3. Bambo ho Egyinatu Kuw no bedzi kan nye kuw no esusu nhyeheyεs horow biara a wɔayε ho. Bambo ho Egyinatu Kuw no nye Kuwmba no anaa Bambo ho Egyinatu Kuw no nye Kuwmba ahorow no bεpen nhyeheyεs

a wɔayɛ no do nye aman a hɔn amambu ma ho kwan dɛ wɔdze hɔn nsa hye ase no so dze hɔn nsa bɛhyɛ ase dɛ mbre ɔman no no mu mbra ma ho kwan biara.

#### **Asemrw 44**

Bambo ho Egyinatu Kuw no bɔhwɛ dɛ nsordaafo ho behia hɔn ansaana wɔdze akɔto Kuwmba a wɔnnka hɔnho no enyim, dɛ mbre Asemrw 43 no kyere no, wɔbɔto nsa afre dɛm Kuwba no, na sɛ Kuwba no so pe dɛ ɔnye Bambo ho Egyinatu Kuw no bɛyɛ nhyehyɛɛ a ɔfa nsordaafo mboa ho a, wɔbepen do.

#### **Asemrw 45**

Mbre ɔbeyɛ a Amanaman Nkabɔmu Kuw no besi hɔn adwen pi amonmu hoara wo nsordaafo mboa ho no, Kuwmba no bɔhwɛ aboaboa wimu nsordaafo a wɔdze hɔn bedzi dwuma no ano. Nsordaafo Egyinatu Kuw no bɔboa Bambo ho Egyinatu Kuw no ma woeehu mbre nsordaafo no hɔn ahooɔdzen na hɔn ahoboa tse, na nhyehyɛɛ a wɔayɛ nyinara, dɛ mbre wɔakā ho asem wo Asemrw 43 no mu no.

#### **Asemrw 46**

Bambo ho Egyinatu Kuw no nam Nsordaafo Kuw no mboa do bɛyɛ nhyehyɛɛ a wɔbefa do enya nsordaafo dze hɔn edzi dwuma no.

#### **Asemrw 47**

1. Wɔbɛtsew Nsordaafo Egyinatu Kuw a ɔbɛkyerɛ-kyere Bambo ho Egyinatu Kuw no kwan a ɔbɛfa

do enya nsordaafo hən mboa a obehia hən wə hən dwumadzi bi mu, de mbəsə obeyə ma asom-dwee na bambə aaba wiadze.

2. Nsordaafo Mpanyimfo a hən aman kā Bambo ho Egyinatu Kuw ho afəbəcə no na wədze hən bəye Nsordaafo Egyinatu Kuw no. Wobotum ato nsa afre Kuwba biara a əkā Amanaman Nkabəmu Kuw no ho nqaso ənnka Bambo ho Egyinatu Kuw no ho afəbəcə no ma əaabəboaq hən ma wəaaye hən edwuma.
3. Nsordaafo Egyinatu Kuw no na wəbəhwe dwuma a əwə de Bambo ho Egyinatu Kuw no dzi a ɔfa nsordaafo no hən dwumadzi ho.
4. Nsordaafo Egyinatu Kuw no nam tum a Bambo ho Egyinatu Kuw no dze bəhyə hən nsa, na kwan a nhwədofo no dze bəma hən no do bətsetsew ekuw nkakraba wə amanaman do.

#### **Asemprəw 48**

1. Bambo ho Egyinatu Kuw no bəkyerə kwan a Amanaman Nkabəmu Kuwmba no anaa hən mu bi bəfa do ahwə ma adwen a wəafa a ɔfa wiadze asomdwee ho bambə ho no eedzi mu.
2. Amanaman Nkabəmu Kuw no nam nkitaho a wənye Nhwədofo no bedzi no do bəgyə nsusui no ato mu dze aye edwuma.

## **Asempraw 49**

Amanaman Nkabomu Kuw no bεye kor ahwe ma adwen biara a Bambo ho Egyinatu Kuw no afa no wodze aye edwuma.

## **Asempraw 50**

Se Bambo ho Egyinatu Kuw no fa adwen bi a obεboa anaa obetsia ɔman bi, na se ɔman kor no kā Amanaman Nkabomu Kuw no ho anaa ɔnnka ho no, se ohu de dεm adwen no dze ɔshaw bi bεba ne sikasem mu a, ɔwɔ ho kwan de ɔdze dεm asem no koto Bambo ho Egyinatu Kuw no enyim ma wodzi  
ho dwuma dze boa no.

## **Asempraw 51**

Biribiara nnyi dεm Mbra yi mu a osiw ankorankor anaa ɔdodow bi hεn ndzinoa ho kwan de wobεye biribi dze abo hεnho ban wo ber a ɔman fofor bi ebotu ahyε Amanaman Nkabomu Kuwba bi do akεpem de Bambo ho Egyinatu Kuw no bεboa ma wiadze asomdwee na no ho bambo no edzi mu no. Se Kuwba bi nam ne ndzinoa a ɔwɔ do bo noho ban a, ɔwɔ de ɔma Bambo ho Egyinatu Kuw no aso tse no ntsem amma dεm ndzeyεε no aannseε Bambo ho Egyinatu Kuw no no tum a Mbra fofor yi dze ama no a ɔdze rohwε ma wiadze Bambo ho Egyinatu Kuw no eedzi mu no.

## **OFA VIII**

### **Amantaw Nhyehyεε**

## **Asempraw 52**

1. Biribiara nnyi dεm Mbra fofor yi mu a osiw

amantow nhyeheyee anaa nhwedofo ndzeyee nkodo ho kwan, ntsi, se dem amantow anaa nhwedofo no ndzeyee bi nye Bambo ho Egyinatu Kuw n'apendze nye ne ngyinado saa do a nna biribiara edzi mu.

2. Se Kuwba biara a owo Amanaman Nkabomu Kuw no mu no anaa kuw bi a oye nhwedofo no gye to no do de obeye nhyeheyee bi afa do dze esiesie basabasaye bi ama yie aatoa yie anaa ama asomdwee aaba a, otum ye ansaana odze akoto Bambo ho Egyinatu Kuw no enyim.
3. Bambo ho Egyinatu Kuw no bemye kuwba biara a obegye ato no do de obesiesie basabasaye ama yie aatoa yie, na asomdwee aaba no nkuran ma odaye.
4. Dem Asemrow yi nnka biribi mmfa nnsees Asemrow 34 na 35 no mu nsom wo'kwan biara do.

### **Asemrow 53**

1. Bambo ho Egyinatu Kuw no bemye Amantow nhyeheyee anaa bambo ho ndzeyee biara a oye Bambo ho Egyinatu Kuw tum ase a oye no atomu, ama wodze eedzi dwuma de mbre ofata, naaso kuw biara nnkotum ahye noho edzi dwuma bi wo ber a Bambo ho Egyinatu Kuw no nnyim ho hwee, gyedえ ndzeyee bi a odaye etsia omam no ne tamfo bi, de mbre woakā ho asem wo Asemrow 107 ne nkyekyemu 2 ho no. Se wadze Asemrow 107 anaa amantow nhyeheyee no reye biribi dze esiw kwan a wobefo do dze

abo ɔman fofor epoo no a, wɔnnkεpen, gyedε Amanaman Nkabɔmu Kuw no ama ho kwan.

2. Se wɔkā de ɔman bi ye "atamfo" de mbre wɔdze akā asem wɔ Asɛmpɔw yi ne nkyekyεmu 1 no a, nna wɔkyere aman a nna wɔye "atamfo" wɔ Wiadze Okō Kese a Otsia Ebien no mu no a wɔkɔe tsiaa hɔn a hɔn nsa hye dem Mbira fofor yi ase no.

### **Asɛmpɔw 54**

Owɔ de wɔma Bambo ho Egyinatu Kuw no aso tse nhyehyεs biara a mantɔw anaa mantɔw hwεdofo no bεye a ɔfa wiadze asomdwεe nye no ho bambo ho no.

## **OFIA IX**

### **Wiadze Aman Sikasem**

#### **Na Nkitahodzi**

### **Asɛmpɔw 55**

Mbre ɔbεye a asomdwεe na ahoto bεba amanaman ntamu ama obiara dze obu ama ne nyεnko, na oehu ne ndzinoa nye n'eyiedzi a ɔwɔ ntsi, Amanaman Nkabɔmu Kuw no bɔhwε ma dza odzidzi do yi aakɔ do yie:

- a. asetsena pa, edwumayε, sikasem na asetsena mu kankɔ na mpontu;
- b. kwan a wɔbεfa do ma wiadze aman

sikasem, asetsena, apowmudzen na dza ɔkeka ho; na amanaman amambra na adzesua ho nkabomu ho nsem eedzi mu; na

- d. Obu, nye obi ne ndzinoa a ɔwɔ, ne fahodzi a mpaapaamu biara nnyi mu wo ne nyimpasu, n'ahosu, ne kasaa anaa ne gyedzi mu.

### **Asempow 56**

Kuwba no nyina dzi nsew de, wɔdze korye bɔboia ma Kuw no no dwuma a wɔdze esi hɔn enyido a woakā ho asem wo Asempow 55 no aakɔ do pereeper.

### **Asempow 57**

1. Wɔdze Nhwedofo a amanaman ekuw ahorow atsetsew a wɔwo nyimdzee mapo wɔ sikasem, asetsena, amambra, nwomasua, apowmudzen na dza ɔkeka ho nyina hɔn dwumadzi bεhyε Amanaman Nkabomu Kuw no ase, de mbre woakā ho asem wo Asempow 63 ho no.

2. Dem Nhwedofo no a wɔdze hɔn abεhyε Amanaman Nkabomu Kuw no ase no wεbefre hɔn Nhwedofo Afofor Kuw.

### **Asempow 58**

Kuw no bεye nsusui bi a ɔfa dwuma ahorow a Kuw no pe de Nhwedofo Afofor Kuw no dzi no ho.

### **Asempow 59**

Kuw no botum ahyε ase nye Aman afofor a wɔpε de wɔtsew dem Nhwedofo Afofor Kuw yi bi dze dzi dwuma bi no edzi nkitaho de mbre Asempow 55 kyεrε no.

## **Asempew 60**

Wôdze tum a wônam do ye Kuw no mu ndwuma ahorow tsetse de Sikasem na Asetsena Egyinatu Kuw a wôakâ ho asem wô dêm ɔfâ yi mu no bëhyë Nhyiamu Kuw Kese no ase, ama Nhyiamu Kuw Kese no eenyâ tum a ɔdze bedzi dwuma a wôaka ho asem wô ɔfâ X mu no.

## **ɔFA X**

### **Sikasem Na Asetsena Egyinatu Kuw**

#### **No Mu Nyimpa**

## **Asempew 61**

1. Nhyiamu Kuw Kese no bôtow amba eyi nyimpa eduonum-anan efi Amanaman Nkabomu Kuw no mu ma wôaabeyë Sikasem na Asetsena Egyinatu Kuwno.
2. De mbre wôakâ ho asem wô nkyekyemu 3 no, wôbôtow aba eyi nyimpa duawôtwe efi Sikasem na Asetsena Egyinatu Kuw no mu afe biara ma woeebedzi dwuma mfe ebiasa. Kuwba biara a ne ber bôsô no, obotum egýina ma wôato aba eyi no bio hçara.
3. Ber a wodzii kan maa Kuw no no mu nyimpa doree fii eduonu-esuon këpeem eduonum-anan no, wôtoow aba yiî nyimpa eduonu-esuon kékâ Kuwm̄ba eduonu-esuon no ho bio ma hñan dodow

beyes eduonum-anan ma wokesii kuw no no mu nyimpa baakron a wodze hon dwumadzi reba ewiei afe no ananmu, wobesan atow aba eyi eduonu-esuon bio. Dem nyimpa eduonu-esuon yi hon mu baakron dze hon dwumadzi beba ewiei afe kor ewiei, na nyimpa baakron a waka no so dze hon dwumadzi aaba ewiei mfe ebien ekyir, de mbre Nhyiamu Kuw Kese no ne nhyeheyee kyere pereeper.

4. Oman biara a okaa Sikasem na Asetsena Egyinatu Kuw no ho no benya ananmusinyi kor per wo mu.

## Dwumadzi Na Tum

### Asemperow 62

1. Sikasem na Asetsena Egyinatu Kuw no beyes wiadze sikasem, asetsena, amambra, adzesua, apowmudzen nye biribiara a ofa hon dwumadzi ho nhwehwemu, akyerew ho nsom dze akoto Nhyiamu Kuw Kese no, Amanaman Nkabomu Kuw na Nhwedofo Afofor Kuw no enyim.
2. Wobeyes nsusui bi a obema obiara dze obu na enyidzi ama nyimpa biara ne ndzinoa na ne fahodzi.
3. Wobeyes nhyeheyee bi a wowa ho tum dze egunkrataa do dze akoto Nhyiamu Kuw Kese no enyim.
4. De mbre Amanaman Nkabomu Kuw no ne mbra kyere no, kuw no botum ato nsa afre amanaman

ma wɔaabaa nhyiamu, ebosusu nsem bi a  
kuw no wɔ ho tum ho.

### **Asempew 63**

1. Sikasem na Asetsena Egyinatu Kuw no nye Nhwedofo Afofor Kuw no mu bi besi gyinae wo asem bi ho, de mbre Asempew 57 kā biribi wo Nhwedofo Afofor Kuw na Amanaman Nkabomu Kuw hɔn nkitahodzi ho no, na Nhyiamu Kuw Kese no na ɔbɛgye dem gyinae a wobesi no ato mu.
2. Dwuma a wobedzi nye de, wɔbohwɛ Nhwedofo Afofor Kuw no hɔn dwumadzi nyina do, esi ho gyinae, na wɔdze ho asem akoto Nhyiamu Kuw Kese no na Amanaman Nkabomu Kuw no enyim.

### **Asempew 64**

1. Sikasem na Asetsena Egyinatu Kuw no bɛfa kwan pa bi do ehu dwuma biara a Nhwedo Afofor Kuw no ridzi mu. Kuw no nye Amanaman Nkabomu Kuw no nye Nhwedofo Afofor Kuw no bɛye nhyeheyɛs aħwɛs de nhyeheyɛs a wɔdze kɔtoo Nhyiamu Kuw Kese no enyim no woedzi ho dwuma de mbre ɔfata.
2. Wɔdze dza wobohu no bokɔ akoto Nhyiamu Kuw Kese no enyim.

## **Asempow 65**

Sikasem na Asetsena Egyinatu Kuw no bema Bambo ho Egyinatu Kuw no atse, ehu dwuma a woredzi, na se Bambo ho Egyinatu Kuw no dze hon ehiasem bi kedan hon a, wobeoaa hon.

## **Asempow 66**

1. Sikasem na Asetsena Egyinatu Kuw no bedzi dwuma biara a Nhyiamu Kuw Kese no ama no ho kwan de ondzi no.
2. Se Nhyiamu Kuw Kese no nye Amanaman Nkabomu Kuw no nye Nhwedofo Afofor Kuw no dze biribi koto hon enyim de wonye a wonnkopopo hon tsir.
3. Kuw no bedzi no dwuma de mber wakha ho asem wo Mbra fofor yi mu no ana wobedzi dwuma biara a Nhyiamu Kuw Kese no dze behye ne nsa de ondzi no.

## **Ambatow**

## **Asempow 67**

1. Kuwba biara a ewa Sikasem na Asetsena Egyinatu Kuw no mu no botow amba kor per.
2. Se wotow amba wo gyinae bi a wope de wosi ho a, dza ododow no bekha na wobefo.

## ***Kwankyerε***

### **Asemprɔw 68**

Dε mbrε Sikasem na Asetsena Egyinatu Kuw ho dwumadzi tse no, wobetsetsew Sikasem na Asetsena mu nsem ho ekuw a obobo ma nyimpa ne ndzinoa a owo no eedzi mu. Bio, wobetsetsew ekuw horow dze aaye hon edwuma.

### **Asemprɔw 69**

Se Sikasem na Asetsena mu Egyinatu Kuw no ridzi dwuma bi anaa ɔrekā biribi a ɔfa Kuwba bi a okā Amanaman Nkabomu Kuw no ho a, oboto nsa afre no ma oeebedzi dwuma no bi na mbom onnkotum atow amba wo asem no ho.

### **Asemprɔw 70**

Se Sikasem na Asetsena mu Egyinatu Kuw no ridzi dwuma bi anaa ɔrekā biribi a ɔfa Nhwedofo Afofor Kuw na kuw nkakraba afofor a wɔatsetsew no ho a, woboto nsa afre no ma oeebedzi dwuma no bi na mbom onnkotum atow ho amba.

### **Asemprɔw 71**

Se Sikasem na Asetsena mu Egyinatu Kuw no ridzi dwuma bi a wobotum nye ndwuma a onnye aban ase na mbom asem no fa honho no esusu ho, naaso ansaana wobeyε iyi no, nna wonye Amanaman Nkabomu Kuw no esusu ho dada.

## **Asempew 72**

1. Sikasem na Asetsena mu Egyinatu Kuw no bodua honankasa hon kwan do ahyehye hon mbra a ofa hon dwumadzi ho, nye kwan so a wobefä do eyi hon President.
2. Sikasem na Asetsena mu Egyinatu Kuw no beye nhiamu de mbre hon mbra kyere. Dem mbra yi ne fä bi kyere de, se ododow pen do de wonye nhiamu a, owa de woye.

## **CFA XI**

*Gyinae a Wosii wo  
Aman a Wonnyaa Hon Fahodzi Tum Ho*

## **Asempew 73**

Amanaman Nkabomu Kuw no mu mba a wøagye ato hon do de wobehwe ma aman a wonnyaa hon fahodzi benya ahoto a ofata no begye ato mu de dem aman no mu nyimpa hon ndzinoa hia hon papaapa, na wobehwe ma woeenya mpontu de mbre Wiadze Asomdwee na no ho Bambo Egyinatu Kuw a wøakä ho asem wo dem Mbura fofor yi mu kyere no, na onam do ma woeenya dza odzidzi do yi:

- a. wobefä dem nyimpa no hon amambra do ahwe ma hon amambu, sikasem, asetsena na hon adzesua aakä do a onnkema shaw biara esisi hon akwan mu;

- b. wɔnam dəm aman no hɔn kankɔ a woenya, hɔn amambu na noho ekuw horow a nhye biara nnyi mu, na ɔman no mu nyimpa, na de mbre hɔn apedze tse do bɔhwɛ ama woeenya fahodzi mu mpontu.
- d. wɔbɔhwɛ mɔ wiadze asomdwee na noho bambo eedzi mu
- e. wɔnye aman a aka no bedzi nkitaho aye mpensampensamu wɔ sikasem, asetsena, abɔdze ho nyansape ho wɔ mber a ɔfata mu ama biribiara aakɔ do yie de mbre dəm Asəmpɔw yi kā ho asem no ara per.
- e. wɔnye ɔkyerewfo Panyin no bedzi nkitaho a ɔfa tum a wɔdze ahye hɔn nsa no ho wɔ dəm aman no ho Bambo, Amambusem de mbre ɔman no ne sikasem, asetsena, na nwomasua tse biara, de mbre dəm Mbra yi kā ho asem wɔ ɔfā XII na XIII no.

## **Asemprɔw 74**

Ansaana Amanaman Nkabɔmu Kuw no bɛgye adwen a wɔfae wɔ dəm aman yi ho ato mu, dza ɔfa obu a wɔdze bɛma dəm aman no wɔ sikasem, asetsena na eguadzi ho de mbre ɔfā yi kā ho asem no, ɔwɔ de wɔhwɛ de dəm adwen no nnkehaw wiadze aman nyinara.

## OFA XII

### Amanaman Nhwedo Kuw

#### Asempow 75

Amanaman Nkabomu Kuw no dze aman a wɔnam nhyeheyɛ bi do dze hɔn hyɛ Nhwedofo bi ase no, hɔn amambu na hɔn dwumadzi nyina bɛhyɛ n'ase. Dɛm aman yi na wɔfrɛ hɔn Amanaman Nhwedo Kuw no.

#### Asempow 76

Amanaman Nhwedo Kuw no botae tsitsir a wɔakā ma Amanaman Nkabomu Kuw no agye ato mu wɔ Asempow 1 wo Mbra fofor yi mu no na odzidzido yi:

- a. obɛhyɛ adwen a wɔafa wɔ amanaman asomdwee na noho bambɔ mu dzen;
- b. obɔhwɛ ma amambu, sikasem, asetsena, na nwomasua ho asem aakɔ do yie wɔ dɛm aman no mu, dɛ mbre ɔman no ne fahodzi, no mu nyimpa hɔn apedze na nhyeheyɛ biara a wɔyɛ dze ɔman biara bɛhyɛ Amanaman Nhwedo Kuw ase no tse;
- d. obɔhwɛ ma obu a wɔdze ma nyimpa ne ndzinoa a obiara wɔ no aakɔ do dɛ mbre ɔfata, wɔ ber a wɔnnuyɛ mpaapaamu biara wɔ nyimpasu, awosu, kasa ana ɔsom ho, na ɔaahwɛ ma obiara eehu hia a ohia dɛ ɔman nye ɔman dzi nkitaho;

*na*

- e. obəhwə Amanaman Nkabəmu Kuw no mu nyimpa na Aman a wosisi hən ananmu nyina enya eguadzi, asetsena na sikasem ho mfaso pər, na ɔdahwə ma ɔmamfo no enya atsentseenenee a wɔayə a ɔfa kwan a wəbefa do edu dəm botae yi ho no de iñbre wɔakā ho asem wə Asəmpəw 80 mu no.

### **Asəmpəw 77**

1. Wəbefa Amanaman Nhwədo Kuw no ne nhyeheyəe a odzidzi do yi do agye ɔman bi abəhyə Kuw no ase:
  - a. aman a mbra dze no abəhyə ɔman fofor no ase
  - b. aman a ɔnam Wiadze Əkō Kese a Otsia Ebien no do ntsi wɔatsew hənho efi hən atamfo ho; na
  - d. aman a wofi hən pə mu dze hən amambu akəhyə ɔman fofor bi ase.
2. Mbə wobesi agye ɔman bi abəhyə kuw bi ase, də mbə wɔakā ho asem dada no ye adze a wobosusu ho bio.

### **Asəmpəw 78**

Amanaman Nhwədo Kuw no nnkəfə ɔman

biara ɔabækā Amanaman Nkabomu Kuw no ho no ahye n'ase osiande kuw no ne ngyinado kyere de, nyimpa nyina ye per a mpaapaamu biara nnyi mu.

### Asempow 79

Wobegyina Asempow 83 na 85 no mu nsəm, nhyeheyɛs a wɔayɛ na nsakyer a aba nhyeheyɛs no mu no do agye aman a wɔhyehyɛ aman fofor tum ase no ato mu.

### Asempow 80

1. Se woyi nsəm a ɔwo Nsempow 77, 79, na 81 a wɔnam do gye ɔman bi bɛhyɛ Amanaman Nhwɛdo Kuw no ne nhyeheyɛs bi a wɔnam do yi ɔman bi bɛhyɛ n'ase naaso wonnsii ho gyinae nnwiei no si nkyɛn a, mbra biara nnyi dem Mbra Fofor yi mu a ɔkyere de wotum sakyer ɔman ne ndzinoa anaa ne fahodzi wɔ kwan biara do, anaa wɔsakyer nsəm bi a ɔwo wjadzɛ mbra biara a Amanaman Nkabomu Kuw no kā ho bi.
2. Onyi de wogyina Asempow 77 nkyekyem 1 no do fa no de ɔrotwe adwen ntotoe ho gyinae a obesi a ɔfa aman a wɔre de wɔhyɛ Amanaman Nhwɛdo Kuw no ase ho dwumadzi sen.

### Asempow 81

Wɔdze nhyeheyɛs a wɔayɛ ama Amanaman Nhwɛdo Kuw dadaw no bækā gyinae a wobesi dze ebu dem ɔman no ahye Nhwɛdofo tum ase.

Dəm tum no na wəfrə no Amambu tum a otum  
ye ɔman kor anaa aman pii anaa Kuw Kese no  
ankasa.

### **Asempəw 82**

Wobotum dze bea pa bi a əben anaa ɔye dəm  
ɔman no a ɔhye Amanaman Nhwədo Kuw no  
tum ase no ne fā bi ahye Amanaman Nhwədofo  
kuw tum ase wə ber a dəm ndzeyee no nnsəe  
nsem a ɔwo Asempəw 43 mu no.

### **Asempəw 83**

1. Bambo ho Egyinatu Kuw no na obedzi dwuma  
biara a ɔwo de Amanaman Nkabəmu Kuw no  
dzi a ɔfa ɔgye a wəbəgye gyinae bi a woesi no  
wə Nhwədofo Kuw ho anaa nsakyer a wəbəye  
no wə ho no ato mu.
2. Nyimpa a wəwə dəm bea pəkyee no do no nyina  
bedzi botae a ɔwo Asempəw 76 no do ketsee.
3. Bambo ho Egyinatu Kuw no bəboə Nhwədofo  
Kuw no ma woedzi dwuma biara a ɔfata de  
Amanaman Nkabəmu Kuw no dzi a ɔfa sikasem,  
asetsena na nwomasua ho wə dəm bea no do.

### **Asempəw 84**

ɔwə de nyimpa a wədze Nhwədofo Kuw no no  
ho dwumadzi ahye hən nsa no ye hən afamudze  
ma wiadze asomdwēe no ho bambo dzi mu.  
Ne dəm ntsi, ɔwə de dəm nyimpa no hwehwe

mboa fi etuhoakyε ekuw horow mu fi dεm Nhwedofo Kuw no mu dzε dzi no dwuma a ɔfa asomdwee na mbra ne ndzido wɔ dεm bea no do a wɔdze ahys Bambo ho Egyinatu Kuw no nsa no.

### **Asempew 85**

1. Amanaman Nkabomu Kuw no bedzi dwuma a ɔfa gyinae bi a woesi, na nsem bi a wɔagye ato mu a ɔfa Nhwedofo Kuw no ne nhyeheyε na nsakyer a wɔayε no Nyiamu Kuw Kese no ho.
2. Nhwedofo Kuw no a ɔhyε Nyiamu Kuw Kese no ase no bɔboa Nyiamu Kuw Kese no ma woedzi dεm dwuma yinom.

### **CFA XIII**

#### ***Nhwedofo Egyinatu Kuw***

#### ***No Mu Nyimpa***

### **Asempew 86**

1. Nhwedofo Egyinatu Kuw no no mu nyimpa a wɔberpa hɔn efi Amanaman Nkabomu Kuw no mu no na wodzidzi do yi:
  - a. hɔn a wɔhwε aman a wɔdze hɔn ahys nhwedofo nsa no dwumadzi;
  - b. hɔn a wɔabobo hɔn edzin wɔ Asempew 23 no mu no a wɔnnhwε aman a ɔnnhyε Nhwedofo ase no so; na

- d. nyimpadodow a wəbətōw aba eyi hōn  
ma wəaayə edwuma wō Nhyiamu Kuw  
Kese no mu mfe ebiasa no, wəbəkye  
Nhwədofo Egyinatu Kuw no mu pərəeəper  
ama Amanaman Nkabəmu Kuw no no  
mu mba no a wəhye nhwədofo ase nye  
hōn so a wənnhye nhwədofo ase no.
2. Nhwədofo Kuw no beyi nyimpa kor a wəgye no  
dzi ma oeesi n'anamu.

### ***Dwumadzi Na Tum***

#### **Asempəw 87**

Se Nhyiamu Kuw Kese no reye n'edwuma a, əbeəfa  
tum a wədze ama no də wənhwə Nhwədofo Kuw no do;  
na əbeye dza odzidzi do yi:

- a. wəbədwendwen nsusui a etumfo no dze  
bəba aboto hōn enyim no ho;
- b. wənye etumfo no bəgye adwen a wədze  
bəba aboto hōn enyim no ho;
- d. ofi ber to ber no, wənye etumfo no botutu  
akwan akəserasera Nhwədo aman no; na
- e. wəbəye iyinom na dza əkekaho də mbre  
nhyehyee no tse.

#### **Asempəw 88**

Nhwədofo Egyinatu Kuw no bəhyehyē nsembisa bi a ɔfa  
amambu, sikasəm, asetsena na nwomasua nkədo a ɔfa

Nhwedoman a ɔhye Nhyiamu Kuw Kese no ase no ho, na wɔdze akoto Nhyiamu Kuw Kese no enyim amra afe biara woeyiyi ano.

### ***Ambatow***

#### **Asempəw 89**

1. Nhwedofo Egyinatu Kuw no mu nyimpa biara bɔtow amba kor pər.
2. Se Nhwedofo Egyinatu Kuw no tow amba wɔ asem bi a woesusu ho ho a, dza nyimpadodow no bekā no na wobegye ato mu.

#### ***Kwan a wɔfa do***

#### **Asempəw 90**

1. Nhwedofo Egyinatu Kuw no ara bəhyehyε kwan a wɔbεfa do atow amba, na kwan so a wɔbεfa do eyi hɔn President.
2. Nhwedofo Egyinatu Kuw no nam dza ɔdodow no bekā do bεye nhyiamu de mbrehɔn mbra no kyere.

#### **Asempəw 91**

Nhwedofo Egyinatu Kuw no bəhwε aboa Sikasem na Asetsena Egyinatu Kuw na enyimdzefo no ma wɔatoatoa adwen a ɔfa hɔn dwumadzi ho wɔ ne ber a ɔfata mu.

## **ɔFA XIV**

### ***Wiadze Atsentsenenee Asendzii***

#### **Asemrw 92**

Wiadze Atsentsenenee Asendzii no bεyε Amanaman Nkabomu Kuw no no nkorbata a ɔbəhwε asendzi do. Wobegina mbra a wədze bi ahyε n'ase no do, na ɔbεye Wiadze Aman Atsentsenenee Asendzii a, ɔyε dəm Mbria fofor yi fā bi no mu edwuma.

#### **Asemrw 93**

1. ɔyε nokwar turododo de Amanaman Nkabomu Kuw no mu nyimpa nyinara na wəbəc mu tseew Wiadze Aman Atsentsenenee Asendzii Mbria no.
2. Ansaana wəbεgye ɔman bi a ɔnka Amanaman Nkabomu Kuw no ho abəto Wiadze Aman Atsentsenenee Asendzii Mbria no mu no, ɔwə de Bambo ho Egyinatu Kuw no susu ho dze kəto Nyiamu Kuw Kese no enyim.

#### **Asemrw 94**

1. Amanaman Nkabomu Kuwba biara wə de ɔgye insusui a Wiadze Aman Atsentsenenee Asendzii no bεyε a ɔnoara so kā ho no ato mu.
2. Se Kuwba bi enndzi Kuw no n'ahyedze do de mbre Kuw no ne nhyeheyε tse a, wəbεfa mbria kwan do atwe dəm Kuwba no aso.

## **Asemraw 95**

Biribiara nnyi dəm Mbra Fofor yi mu a osiw Amanaman Nkabəmu Kuwba bi kwan na dəm ntsi onntum mmfa n'asəm nnkoto asəndzii fofor bi enyim, də mbre gyinae bi a woesi no dada anaa dza wobesi no ndaamba no tse.

## **Asemraw 96**

1. Nhyiamu Kuw Kese no anaa Bambo ho Egyinatu Kuw no botum dze asem bi akoto Wiadze Aman Atsentsenenee Asəndzii no enyim ma ɔaama no ho adwen.
2. Nkorbata anaa Nyimdzee Kuw ahorow no mu biara so a ɔhye Amanaman Nkabəmu Kuw no ase a Nhyiamu Kuw Kese no bema no ho kwan no botum dze n'edwuma mu nsəm biara a ɔfa mbra ho akoto Asəndzii no enyim ma ɔaama no ho adwen.

## **ɔFA XV**

### ***Okyerewfo Panyin Edwuma mu***

## **Asemraw 97**

Nyimpa a wəbeyε edwuma wə Okyerewfopanyin Edwuma mu nye Okyerewfo Panyin na nyimpadodow biara a, kuw no behia. Bambo ho Egyinatu Kuw no bosusu ho na wədze akoto Nhyiamu Kuw Kese no enyim ma woegyina do eyi Okyerewfo Panyin no. Ono na əbeyε kuw no ne kandzifo wə no dwumadzi biara mu.

## **Asempraw 98**

ɔkyerewfo Panyin no nam tum a wɔdze ama no no do bokɔ nhyiamu a Nhyiamu Kuw Kese, Bambo ho Egyinatu Kuw, Sikasem na Asetsena ho Egyinatu Kuw, Nhwedofo Egyinatu Kuw no bεye no nyinara bi, na ɔbεye ndwuma ahorow a nkorbata biara dze bεhyε ne nsa no aka ho. ɔkyerewfo Panyin no bεkyerew afe no mu dwumadzi ahorow nyinara a ɔfa ekwu no ho na ɔdze akɔto Nhyiamu Kuw Kese no enyim.

## **Asempraw 99**

ɔkyerewfo Panyin no botum atwe Bambo ho Egyinatu Kuw no adwen aba nsɛm bi a wosusu dε ɔdze ɔshaw bεba Wiadze asomdwee na noho bambo ho no so do.

## **Asempraw 100**

1. ɔkyerewfo Panyin no nye no nkorɔfo a ɔnye hɔn yε edwuma no hɔn dwumadzi mu no, wonnkebis aanaa wɔnnkεgye nsusui biara efi aban aanaa tum bi a ɔnnhyε Kuw no ase hɔ. Wɔnnkεye biribara a obogu hɔnho fι dε wɔye Wiadze ananmusifo a wɔye edwuma ma Kuw no.
2. ɔwɔ dε kuwba biara a ɔwɔ Amanaman Nkabɔmu Kuw no mu no dze obu soronko a ɔfata ma ɔkyerewfo Panyin no nye no nkorɔfo a ɔnye hɔn yε edwuma nɔ, na mbom onnyi dε wɔye biribi dze haw hɔn wɔ hɔn dwumadzi mu.

## **Asempraw 101**

1. ɔkyerewfo Panyin no nam Nhyiamu Kuw Kese

no ne nhyeheyεs do beyi nkɔrɔfɔ a ɔnye hɔn  
bεyε edwuma no.

2. Wobeyi edwumayεfɔ a wɔfata ma wɔdaayε  
edwuma afεbɔɔ wɔ Sikasem na Asetsena  
Egyinatu Kuw, Nhwedofo Egyinatu Kuw na  
nkorbata ahorow a wɔhyε Amanaman Nkabɔmu  
Kuw no ase no mu. Dεm nkɔrɔfɔ yinom na  
wɔbεyε ɔkyerewfo Edwuma mu hɔ edwuma-
3. Wobegyina edwumadzen, nyimdzee na obu do  
eyi ɔkyerewfo Edwuma mu edwumayεfɔ, na  
woegyina do ehu akatua na ndzinoa biara a  
ɔfata dε odzi wɔ obiara. Ansaana wobeyi nyimpa  
ma wɔabεyε edwuma wɔ ɔkyerewfo Edwuma  
mu hɔ no, wɔbɔhwε amanaman nyina ho ana  
woeyi hɔn.

## ɔFA XVI

### Nkekaho

#### Asemprɔw 102

1. Mbra na amanaman nhyeheyεs horow biara a  
Amanaman Nkabɔmu Kuw no bεyε no wɔ dεm  
Mbra fofor yi ngyetomu ekyir no, ɔwɔ dε wɔdze  
kɔtɔ ɔkyerewfo Edwuma mu enyim ma  
wɔkyerew to hɔ.
2. Mbra anaa nhyeheyεs biara a wɔammfa annkɔtɔ  
ɔkyerewfo Edwuma mu mma wɔannkyerew,  
dε mbre wɔakā ho asem wɔ nkyekyεmu a odzi  
kan wɔ dεm Asemprɔw yi mu no nntum nndzi

mu wo Amanaman Nkabomu Kuw no no nkorba-  
ta biara mu.

### **Asempraw 103**

Se ɔnam dɛm Mbra fofor yi ne nhyeheyɛ do ma wentwiwentwi bi bɔto Amanaman Nkabomu Kuwmba asadze na Wiadze Aman Mbra asadze ntamu a, wɔbɛfa dɛm Mbra fofor yi asadze do akā ma yie aatoa yie.

### **Asempraw 104**

Amanaman Nkabomu Kuwmba no nam Kuw no no tum do dze ɔnan biara ne mbra bedzi dwuma a ɔfata dɛ wodzi wo dɛm bea no do ho.

### **Asempraw 105**

1. Kuwmba no benya tum soronko bi a ɔbɔbɔ hɔnho ban wo kwan biara do wo hɔn dwumadzi ho wo ber a mbra biara nnkyekyer hɔn.
2. Amanaman Nkabomu Kuw no no mu ananmu-sifo na Kuw no mu edwumayɛfo nyina benya tum soronko bi a ɔbɔbɔ hɔnho ban wo kwan biara do wo Kuw no no dwumadzi mu a ɔhyɛ biara nnyi mu.
3. Nhiamu Kuw Kese no botum aye nsakyer bi wo dɛm Asempraw yi ne nkyekyeru1 na 2 mu, anaa wobotum aye nsakyer bi dze akɔto Amanaman Nkabomu Kuw no enyim ma woesusu ho.

## **CF A XVII**

**Bambo ho nsakyer**

**wə mber tsabaa mu**

**Asempew 106**

Ansaana wəbəgye Asempew 43 mu nsem soronko a wəakā ho asem wə Asempew 42 a ofa Amantew Anan Mpaamukā a wədze nsa hye ase wə Moscow na France, Čebes 30, 1943 ato mu no, wobegyina Mpaamukā no ne nkyekyem 5 do nye hənho atoatoo adwen de mbre Amanaman Nkabəmu Kuw no ne mbra kyere de, dem nkitahodzi no noho hia de mbre əbeyə a wiadze asomdwēe na bambo bedzi mu.

**Asempew 107**

Biribiara nnyi dem mbra yi mu a osiw ndzeyə bi a wəbəye dze etsia aman bi a hən nsa hye dem Mbria fofor yi ase a nna wəye atamfo wə Wiadze Čkō Kese a Otsia Ebien no mu no ndzeyə bi a hən aban maa wəye ho kwan.

## **CF A XVIII**

**nsakyermu**

**Asempew 108**

Ansaana wəbəye nsakyer wə dem Mbria fofor yi mu no, əwə de Amanaman Nkabəmu Kuwmba no kā ho bi, gye to mu wə ber a Nyiamu Kuw Kese no afa mbra kwan

do atowho amba ma kuwmba no no mu nkyemу ebiasа mu ebien agye ato mu ana.

### **Asempow 109**

1. Se Amanaman Nkabomu Kuw no pe de wɔsakyer Mbra fofor yi mu a, wɔbefre Nhyiamu Kese ma Kuwmba no ebehyia akyere da, na bea a Kuw Kese no bɔtow ho amba ma nkyemу ebiasа no mu abien a Bambo ho Egyinatu Kuwmba no mu baakron kā ho agye ato mu. Mbom Amanaman Nkabomu Kuwba biara bɔtow amba kor per wɔ nhyiamu no ase.
2. Ansaana wɔbɛgye nsakyer biara a nhyiamu no bɛye no Mbra fofor yi ho ato mu no, owo de Amanaman Nkabomu Kuwmba na Bambo ho Egyinatu Kuw so no mu akɔrbɔtofo no nkyemу ebiasа mu ebien gye to mu ana.
3. Se Kuw Kese no enntum ennyia mu ansaana nhyiamu a oto do du edu do ma wɔagye Mbra fofor yi ato mu a, wɔdze dɛm nsakyer no noho nhyiamu bɔkɔ Nhyiamu Kuw Kese no no dwumadzi nhyeheyɛs mu atow ho amba ma Nhyiamu Kuw Kese no mu mba a Bambo ho Egyinatu Kuw no mu mba beesuon so kā ho bi esusu ho.

### **OFA XIX**

#### ***Ngyetomu Na Dzinkyerew***

### **Asempow 110**

1. Aman ahorow a hɔn nsa hye dɛm Mbra fofor yi

ase no nam hōn dwumadzi mu mbra do b̄egye  
dēm Mb̄ra fofor yi ato mu.

2. Wōdze ngyetomu no ho asem bōkō akēma America Aban ma ɔaabə Kuwba biara a ɔagye Mb̄ra fofor yi ato mu nye Kuw K̄ese no ne Kyerewfo Panyin no amandz̄e de woeyi no dēm aber no.
3. Se dēm aman horow yi, Adehyeman China, France, Russia, Britain, Northern Ireland na America nye aman a aka no no mu dodow gye to mu dze hōn nsa hye ase, dze k̄ema America Aban a, nna Mb̄ra fofor yi edzi mu ma wōdze ahye ase reye edwuma.
4. Aman a wōdze hōn nsa hye dēm Mb̄ra fofor yi ase, gyee too mama ɔyee edwuma no nye Amanaman Nkabōmu Kuwm̄ba mapā no.

### Asempr̄w 111

Wōdze dēm Mb̄ra fofor yi a wōakyere ase dze kō China, France, Russia, Ngyiresi na Spain kasa mu no bōkō ekesie America Aban mu, tsetse adzekorabea. Aban no betsintsim dēm Mb̄ra fofor yi fenkyemm dze akēma aman horow nyinara a wōagye Mb̄ra fofor yi ato mu, dze hōn nsa ahye ase no.

Aban ahorow a wōkā Amanaman Nkabōmu Kuw no ho dze nokwar na gyedzi agye Mb̄ra fofor yi ato mu, dze hōn nsa ahye ase wō San Francisco, Obiradzi n'adaduonu ndaesia, afe apem ahaakron na eduanan-enum mu.

# **Amanaman Atsentsenenee Asendzii Ho Mbra**

## **Asempow 1**

Amanaman Atsentsenenee Asendzii a wənam Amanaman Nkabəmu Mbra do tsewee də wədze bəhwə Amanaman Nkabəmu Kuw no ne mbrasəm do no, wədze bəye edwuma də mbəs Mbra fofor yi kyere no.

## **OFA 1**

### ***Asendzii No Ho Nhyehyee***

## **Asempow 2**

Wəbətow amba eyi atsəmbufo anaa nyimpa biara a wəwə mbra ho nyimdzee ara yie efi mbra ho enyimdzefo a hənankasa dze hənho, na wəagye hən ato mu wə ber a wənndwən əman kor a wofi mu no, na mbom wəbəhwə hən suban pa, hən abrabə na hən nyimdzee a ənam do ma hən aman gyee hən too mu də wəye atsəmbufo mapa nna wəaabeye edwuma wə dem asendzii kese yi mu.

## **Asempow 3**

1. Nyimpa duenum na wobeyi hən ma wəayəs edwuma wə asendzii hə. Wonnkeyi nyimpa beenu efi əman kor mu.
2. Sə nyimpa biara a wommfı əman kor mu bəye edwuma wə asendzii hə a, wəbefa no də wofi aman a wəwə ndzinoa wə hən amambu na amambra mu.

## **Asempow 4**

1. Nhyiamu Kuw Kese no na Bambo ho Egyinatu Kuw no nam dem nhyeheyee a odzidzido yi do botow amba eyi nyimpa efi Asendzii no mu akorboto no mu ma woabeyee edwuma wo asendzii ho.
2. Amanaman Nkabomu Kuw a no mu nyimpa nnyi Asendzii mu Akorbotofo no mu no aban nam Nhyiamu Kese a wogyinaa Asempow 44 no do yee no wo Hague, afe 1907 mu no do beyi nyimpa efi Kuw a okron na ne dzibew na n'asendzii nye Akorbotofo dze no ye per no mu ma woekesi hon ananmu.
3. Nyimpa kuw biara a wɔnnka Amanaman Nkabomu Kuw no ho naaso wɔkā Asendzii Mbra fofor yi ho no botum egyna nhyeheyee a Nhyiamu Kuw Kese no yee dze kotoo Bambo ho Egyinatu Kuw no enyim ma wɔgyee too mu no do atow amba eyi hon ananmusifo ma wɔaakɔ Asendzii ho bi.

## **Asempow 5**

1. Aka bεyε abosoom ebiasa ma ber aso ma wɔatow amba eyi nyimpa ma wɔaakɔ Asendzii Akorbotofo no mu a, Amanaman Nkabomu Kuw Kyerewfo Panyin no bεkyerew nkrataa akema Asendzii Akorbotofo no a wɔyε hon mu ananmusifo no, na wɔhye dem Mbra yi ase no, nye nyimpa biara a hon aban nam Asempow 4 ne nkyekyemu 2 do eyi hon de wɔmfa hon edzin mbækā hon a wɔpε de wɔbeheyee Asendzii no mu edwuma no ho.

2. Kuw biara nnyi hō a ḋwā dē woyi nyimpa ma wōbor baanan a hōn mu beenu nnye kuw no ne man ba. Mbira biara mma ho kwan dē nyimpa a kuw no beyi hōn no bōbor kuw no mu nyimpa no do mprenu.

### **Asempow 6**

Ansaana əman bi beyi ananmusifo no, ḋwā dē wobisa hōn man no mu Asəndzii Kese ne mbra ho dwumadzi nyina na mbra ho skuul no mu nwomanyimfo, na əman no mu nyimpa bi a əaben wiadze mbra ho no ho asem.

### **Asempow 7**

1. Okyerewfo Panyin bəkyerew hōn a ne nsā akā hōn edzin no esiado esiado. Se woyi Asempow 12, nkyekyem 2 si nkyen a, woyinom nye nyimpa a wobeyi hōn.
2. Okyerewfo Panyin no dze edzin a oenya no bōkō akəma Nhyiamu Kuw Kese no na Bambo ho Egyinatu Kuw no.

### **Asempow 8**

Nhyiamu Kuw Kese no na Bambo ho Egyinatu Kuw no hōn mu biara bəfa hōn pē do eyi nyimpa ma wōaakō asəndzii hō.

### **Asempow 9**

Se wōrotow amba a, ambatowfo no nnkohwē hōn a wōbotow amba eyi hōn no hōn nyimdzee nko ho na mbom

wəbəhwə wiadze enyibue na wiadze aman horow mbra nhyehyeε do dze eyi hən.

### **Asempow 10**

1. Hən a wərotow amba eyi hən no mu dodow biara a wobenya amba dodow no na Nhyiamu Kuw Kese no na Bambo ho Egyinatu Kuw no bəgye hən ato mu de woeyi hən.
2. Amba biara a Bambo ho Egyinatu Kuw no bətow no, de wərotow eyi atsembufo anaa hən a wərekəkā Egyinatu Kuw ho de mbre Asempow 12 kyere no, wənnkəhwə de soronko bi da akor bətofo no na hən a wənnye akərbətofo no ntamu wə Bambo ho Egyinatu Kuw no mu.
3. Se wətow amba yi nyimpa a hən dodow bor kor fi oman kor mu a, wəbəhwə eyi hən mu panyin no.

### **Asempow 11**

Se wohyia ber a odzi kan na okehia de wədze nyimpa kor anaa dodow bəkā ho a, wobeyε nhyiamu a ɔto do ebien anaa ebiasa.

### **Asempow 12**

1. Se wəyε nhyiamu a otsia ebiasa na se egua kor anaa dodow bi da pan a, wobeyi nyimpa baasa efi Nhyiamu Kuw Kese no mu na woeyi nyimpa baasa so efi Bambo ho Egyinatu Kuw no mu ma wədaabə mu aye nhyiamu aber biara a Nhyiamu

Kuw Kese anaa Bambo ho Egyinatu Kuw no bekā dē wonhyia mfa ambatow ho nhyeheyee a, ɔgye ɔdodow asem to mu no do nyi nyimpadodow a hōn tsenabew ato pan a, wɔatow amba eyi hōn no edzin nkoto Nhyiamu Kuw Kese na Bambo ho Egyinatu Kuw no enyim ma wɔngye nto mu.

2. Se wɔbɔ mu ye nhyiamu tow amba yi obi a ɔfata dē wɔdze no kā kuw no ho a, wɔbɛgye no ato mu. ɔwɔ mu dē nna ne dzin nnka edzin dodow a wɔkyereew dē wɔntow ho amba nyi mu bi no ho, dē mbre Asemprɔw 7 kyere no.
3. Se wɔbɔ mu ye nhyiamu, gye to mu dē onnyi dē wɔtow amba yi nyimpa kékā kuw no ho a, Asendzii no no mu nyimpa bi a wɔatow amba eyi hōn no bɔkɔ akekā kuwmba no ho wɔ ber bi a Bambo ho Egyinatu Kuw no bɛheyɛ ma wɔdze hōn akā hōn a wɔatow amba eyi hōn kɔ Nhyiamu Kuw Kese anaa Bambo ho Egyinatu Kuw no mu ama wooyei mu bi akekā kuw no ho.
4. Se ɔba no dē wɔtow amba na ɔpae a, ɔtsɛmbufo a ɔyɛ panyin sen hōn nyina no na ɔbesan atow amba bio.

### Asemprɔw 13

1. Atsɛmbuafɔ beenum a wodzii kan yii hōn no bɛye edwuma mfe ebiasa, na atsɛmbufo beenum so a wɔakɔ no bɛye edwuma mfe esia wɔ Wiadze Asendzii Edwuma mu no. Se wɔdze hōn dwumadzi no ba ewiei a, wobotum atow amba eyi atsɛmbuafɔ a wɔwɔ Asendzii Kuw dada no mu no bio ama wɔaatoa do aye hōn edwuma mfe akron.

2. Se wɔtow amba a odzi kan no wie a, Okyerewfo Panyin no bɛma wɔatwe tonto asan eyi atsɛmbuafo a hɔn dwumadzi reba ewiei mfe ebiasa na mfe esia ekyir no, de mbre wɔakā ho asem wo sor ha no.
3. Atsɛmbufo a wɔwɔ Wiadze Asɛndzii hɔ no bɔkɔ do aye hɔn edwuma ekesi de wɔdze nyimpa fofor bɛba abɛhyɛ hɔn ananmu. Se ɔba no de ber a hɔn ber bɔsɔ no nna woridzi asem bi a, wɔbɔkɔ do edzi akɛpem de wobowie dɛm asem no dzi.
4. Se ɔtsɛmbuafo bi pe de oyi noho fi Asɛndzii Edwuma no mu a, ɔbɛkyerew afa Asɛndzii President no do, na Asɛndzii President no so dze krataa no akɛma Okyerewfo Panyin no. Dɛm nkaabɔ a otwa tun yi kyere de ne dzibew no atɔ pan.

#### **Asemprɔw 14**

Wɔbɛfa nhyehyɛɛ a wɔnam do toow amba a odzi kan no do atow amba eyi nyimpa akɛhyɛ nyia oegyaa edwuma no ananmu. Se Kuwba bi gyaa edwuma no ma ne dzibew da pan ara a, Okyerewfo Panyin no dze bɛye bosoom kor bɔbɔ ho dawur, de mbre Asemprɔw 5 kyere no, ama Bambo ho Egyinatu Kuw no aahye da a wɔdze bɔtow amba eyi obi ma oekesi onyia no ananmu.

#### **Asemprɔw 15**

Se wɔtow amba yi obi ma okesi ɔtsɛmbufo bi a ne ber nnsoe ananmu a, dɛm ɔtsɛmbufo fofor no bɔtɔa do aye edwuma a nkye ɔwɔ de ɔtsɛmbufo dada no ye no do ekesi de ne ber bɔsɔ.

## **Aṣəmpɔw 16**

1. Wiadze Asəndzii mu nyimpa biara nnyi ho kwān de ɔdze noho hyehyɛ aman bi anaa edwuma fofor bi mu a ɔdze sika beba n'asetsena mu.
2. Sɛ wentwiwentwi bi ba dɛm aṣəm yi ho a, Wiadze Asəndzii no bɔhwɛ esiesie.

## **Aṣəmpɔw 17**

1. Wiadze Asəndzii no no mu nyimpa biara nnyi ho a wɔbema no kwan ma oeegyina ho de onyimdzefo, kasamaafo, anaa okyigyinafo wɔ aṣəm biara mu.
2. ɔtsəmbufo biara a wɔdays no onyimdzefo, kasamaafo, anaa okyigyinafo ama kuw bi, anaa ɔman bi wɔ asəndzii anaa aṣəm bi ho nhyehyɛ anaa tum biara mu no nntum nndzi aṣəm no bi.
3. Sɛ wentwiwentwi bi ba dɛm aṣəm yi ho a, Wiadze Asəndzii no bɔhwɛ esiesie.

## **Aṣəmpɔw 18**

1. Ansaana wobeyi ɔtsəmbufo bi edzi no, gyede Atsəmbufo a wɔaka no agye ato mu de dɛm ɔtsəmbufo no annyɛ n'edwuma yie de mbre ɔfata, anaa n'edwuma nnso enyi.
2. Asəndzii Kyerewfo no bɛkyerew aksa Okyerewfo Panyin no nkaa.

3. Dem nkaabø yi kyere de gyinabew no ato pan.

### Asempaw 19

Se Wiadze Asendziimba no hye hon edwuma ase a, wobenya aban ananmusifo ho bambo mapa nye ndzinooa wo hon asetsena mu.

### Asempaw 20

Ansaana Ctsembufo biara a wo Wiadze Asendzii ho bëhye n'edwuma ase no, wo de opra mu kã wo Asendzii ho de obeye n'edwuma yie a enyimhwë biara nnyi mu.

### Asempaw 21

1. Wiadze Asendzii no beyi nankasa ne President na n'Edziekyir ma woayé edwuma mfe ebiasa. Wobotum egyna so bio ma woatow amba eyi hon.
2. Wiadze Asendzii no beyi nankasa n'Asendzii Kyerewfo na nyimpa biara a wofata de wonye hon ye edwuma wo Asendzii ho no.

### Asempaw 22

1. Wiadze Asendzii no n'esiwdo bëye Hague, naaso iyi nntum nnsiw Wiadze Asendzii noho kwan de wobeyé edwuma wo bea bi a wosusu de ho ye de woyé edwumia no.
2. Wiadze Asendzii ne President na Asendzii kyerewfo no betsena kurow a Asendzii no wo do no mu.

### **Asempow 23**

1. Wiadze Asendzii no bεye edwuma aber biara ekesi atsembo ahomgyeda a ɔwɔ de edwumayefo no dze kεgye hɔn ahom. Asendzii no bεye da akyere nda dodow a ɔwɔ de wɔdze kεgye hɔn ahom.
2. Wiadze Asendzii no bεma kuwmba no akεgye hɔn ahom na ɔaakyere ber a ɔwɔ de wɔdze kε. Wεbhε kwan tsentsen a ɔda ɔtsεmbo bi no kurow mu na fakor a Asendzii no wɔ no.
3. Atsembo nɔ dze hɔnho bεma aber biara, gyedε wɔwɔ atsembo ahomgyeber mu, anaa wɔyar, anaa biribi esiw hɔn kwan ma wɔdze akɔto President n'eniyim ma ɔatse ase.

### **Asempow 24**

1. Se ɔnam biribi pɔkyee do ntsi ma ɔtsεmbo bi nnkotum atsena asem bi mu a, ɔwɔ de wɔdze kɔto President n'eniyim.
2. Se President no hu de ɔnam biribi pɔkyee bi ntsi ɔtsεmbo bi nnkotum atsena asem bi mu a ɔbεma ɔatse.
3. Se asem bi wɔ hɔ na ɔtsεmbo bi na ne President hɔn adwen nnsi kwaa wɔ ho a, Wiadze Asendzii nɔ hɔhwε esiesie.

### **Asempow 25**

1. Kuwmba no nyinara bεtsena ase edzi asem, gyedε dza wɔakā afa dεm Asendzii yi ho wɔ Mbra fofor yi mu no.

2. De mbre wɔakā wɔ nhyeheyɛɛ no mu de, onnyi de abemfo no hɔn dodow suar sen beesuonfo no ntsi, Asendzii no ho Mbra bɔhwɛ ma woeneña ɔtsəmbufo kor anaa dodow bi egyptina hɔ, na se ɔba no de biribi ntsi, obi nnyi hɔ a wɔdze no, anaa hɔn akɛka ho.
3. Atsəmbufo dodow a ɔwɔ de wotum hyia dzi asem ye baakron.

### **Asemprɔw 26**

1. Ofi ber to ber no, Wiadze Asendzii Atsəmbufo no bɛkye hɔn mu ekuekuw, a kuw kor biara no mu Atsəmbufo no hɔn dodow bɛye baasa na no mboree, de mbre Asendzii no bɛkyere ama woeesusu nsem bi tsetse de edwumayɛ, obi a wotu no fi beebei kɔ beebei wɔ mber tsiabaa mu, na dawurbo ho.
2. Aber biara a Asendzii no pɛ no, wobotum edzi asem wɔ nsumaamu. Asendzii no na ɔbɛkyere Atsəmbufo dodow a wobedzi dem nsumaamu asem no, na ɔwɔ de Atsəmbufo no pen do.
3. Se afanu no pen do na wɔgye to mu a, wobegyina dem asemprɔw yi do edzi asem no wɔ nsumaamu.

### **Asemprɔw 27**

Wobefɑ atsen biara a wobegyina Asemprɔw 26 na 29 do ebu no nsumaamu no de Wiadze Asendzii no na odzi dem asem no.

## **Asemrw 28**

Nsem a Nsemrw 26 na 29 ma ho kwan ma wodzi no nsumaamu no, se afanu no pen do a Nsumaamu Atsemwufo no botum edzi dem asem no wo bebiara a wope a, nnye Hague.

## **Asemrw 29**

Mbre obeye a wobedzi asem bi ntsemntsem no, Wiadze Asendzii no beyi nyimpa bi a wobedzi asem no wo nsumaamu wo ber a afanu no open do no ama woeetsie, na woebua asem no asopa mu. Dza okā ho bio nye de, wobeyi Atsemwufo beenu bi, na se obi yar anaa biribi siw hon kwan a wadze hon akeka ho.

## **Asemrw 30**

1. Wiadze Asendzii no bəhyehye hon mbra bi a wəbe-fa do edzi asem. Tsitsir no, wəbe ye adwenkyere ho mbra.
  
2. Wiadze Asendzii Mbra no ma ho kwan ma afotufo tsena Asendzii anaa nsumaamusem no mu, na mbom se oba no ambatow a, wɔnntow bi.

## **Asemrw 31**

1. Atsemwufo a wofi aman a woredzi mu asem mu no wo kwan de wəbetsema asem no mu bi wo Asendzii ho.
  
2. Se wiadze Asendzii no ma ho kwan ma ɔtsembufo

kor a ofi ɔman a worldzi mu asem no betsena asendzii no mu de ɔtsəmbufo a, wobeyi dem nyimpa no efi nyimpa a woabɔ hɔn edzin de wɔntow amba nyi hɔn no, de mbre Nsempɔw 4 na 5 kyere no.

3. Se Wiadze Asendzii no ennyi nyimpa emmfi afanu no mu a, afanu no mu biara botum eyi ɔtsəmbufo de mbre dem Asempɔw yi mu nkyekyem 2 kyere no.
4. Dem Asempɔw yi mu nhyeheyɛ na Nsempɔw 26 na 29 no mu nhyeheyɛ no ye per. Ono nye de, President no beyi nyimpa kor, na se okehia a, beenu efi Atsəmbufo a worldzi nsumaamu asem no mu ama woafre ɔtsəmbufo a ofi ɔman a worldzi mu asem no mu abækā ho, na se woenna obi a, wobefɛ nyimpa bi a afanu no nyina beyi no no.
5. Se nyimpadodow no wɔ enyigye wɔ dem asem no mu a wobefɛ no de wɔye nyimpa kor de mbre dem nhyeheyɛ yi tse. Se wentwiwentwi bi ba dem asem yi ho a, Wiadze Asendzii no bɔhwɛ esiesie.
6. Atsəmbufo a woeyi hɔn de mbre dem Asempɔw yi ne nkyekyem 2,3, na 4 kyere no, wobegyina Nsempɔw 2, 17 (nkyekyem 2), 20 na 24 a ofa dem Mbra fofor yi ho no do aye ma yie aatoa yie. Wɔnye hɔn ahokafo besi gyinæ de nyimpa nyina hɔn dzibew ye per.

### **Asempɔw 32**

1. Wiadze Asendzii mu Atsəmbufo benya akatua afe biara.

2. President no benya ndzinoa soronko afe biara.
3. Se President n'Edziekyir no ye President n'edwuma biara a wobema no ho ndzinoa soronko wo nda dodow biara a odze beye edwuma no.
4. Atsembofo a wabegyina Asempow 31 no do eyi hon, naaso wonnka Wiadze Asendzii no, ho no benya abodwee sika da biara a wobetsena ase edzi asem.
5. Akatua, ndzinoa, na abodwee sika yinom ye sika a Nhyiamu Kuw Kese no botwa dze etua edwumayefo no kaw. Wonnketsew dem sika yi do wo ber a wogu do reye edwuma no.
6. Asendzii Kyerewfo akatua no dze, Wiadze Asendzii no bosusu ho dze ama Nhyiamu Kuw Kese no ma hon so egyinga do etwa.
7. Nhyiamu Kuw Kese no beye mbra dze akyere kwan a wo de wofa do tua edwumapon sika ma Atsembofo no na Asendzii Kyerewfo no, na kwan a wobefo do etua akwantu ho kaw ama hon.
8. Wonnkegye tow biara wo akatua a wocabobo edzin wo sor ha yi ho.

### **Asempow 33**

Amanaman Nkabomu Kuw no na obotua Wiadze Asendzii noho kaw de mbré Nhyiamu Kuw Kese no bekyeré.

## **OFA II**

### ***Asəndzii No No Tum***

#### **Asəmpəw 34**

1. Aman a woridzi hən asem nko na wobotum akə Asəndzii ho.
2. Wiadze Asəndzii no, də mbre ne mbra tse no, botum ebisa wiadze kuw bi aρε asem bi a woridzi no mu nokwar bi, na wobegye asem a kuw no fi ne pə mu dze bəbre hən no ato mu.
3. Aber biara a Wiadze Asəndzii no behyia asem bi a wɔρε ehu mu nokwar no ho no, Asəndzii Kyerewfo no bəkyerew akəma wiadze kuw no a wohwə a obotum ada nokwar ɔwɔ asem no mu no edzi akyere asem no.

#### **Asəmpəw 35**

1. Aman a wɔagye dəm Mbira fofor yi ato mu nko na wəbəkə Wiadze Asəndzii ho.
2. Də mbre dəm mbra yi ne nhyehyee tse no, kwan a Wiadze Asəndzii no bəfa do ama aman afor abəkə ho no, wədze bəkə akəto Bambo ho Egyinatu Kuw no enyim, naaso mbra biara nnyi ho a ɔkyere də hən wɔye dansewa wə Asəndzii no enyim.
3. Se ɔman bi a ɔnnka Amanaman Nkabəmu Kuw no ho nya asem wə Wiadze Asəndzii ho a, Asəndzii

no bɔhwɛ etwa bo bi ama no ma oetua dze aye mboa wɔ kaw a Asendzii no bɔbɔ no ho. Na se dem eman no tua sika bi ma Asendzii Edwuma no a, wonnkotwa bo ama no.

### Asəmpəow 36

1. Wiadze Asendzii no wo tum de odzi asem biara a wɔdze bεba n'enyim anaa asem bi a wɔakā ho asem wo Amanaman Nkabɔmu Kuw no ne nhye-hyεs mu anaa mbra anaa amambra a wɔdze ridzi dwuma no.
2. Hɔn a hɔn nsɑ hyε dem Mbra fofor yi ase no besi no pi agye ato mu a onnkehia ngyetomu fofor biara de, mbra no wo tum wo dza odzidzi do yi ho:
  - a. mbra ne nkyerεkyerεmu;
  - b. asem biara a ofi wiadze mbra mu;
  - c. nokwasem bi a, ɔwɔ ho a, se wɔgye to mu a obesεε amananam gyedzi;
  - d. de mbre dem gyedzi no esi aseε wiadze aman gyedzi bi afa.
3. Aman pii anaa aman bi bεgye mpaamukasem a wɔakā ho asem yi ato mu ntsemara anaa wonnkεgye ato mu wo ber bi mu.
4. Wɔdze dem mpaamukasem no bɔkɔ akema Amanaman Nkabɔmu Kuw Kyerewfo Panyin, na no so dze dem krataa no ne saso akema aman na ekuw a wɔhyε dem Mbra yi ase na Asendzii Kyerewfo no.

5. Mpamukasem a wakā ho asem wo Asempow 36 a ɔfa Wiadze Asendzii Akorbotofo ho a wogu do dze reye edwuma de mbre Mbra fofor no ne nhyeheyee tse no, Wiadze Asendzii no boko do dze aye edwuma.
6. Se wentwiwentwi bi ba dem asem yi ho, na se Asendzii no nnyi ho tum a Wiadze Asendzii noara bohwé esiesie.

### **Asempow 37**

Se oba no de, ɔwa de aber biara wodze mbra anaa amambra a wodze dzi dwuma siesie ho asem koto trabuna anaa Amanaman Kuw, anaa Wiadze Asendzii Akorbotofo a woyee dem mbra no a ɔfa afanu no ho enyim a, wodze dem asem no boko akoto Wiadze Asendzii no enyim.

### **Asempow 38**

1. Wiadze Asendzii n'edwuma nye de obegyina Wiadze Mbra do edzi asem bi a oboko n'eniyim no, na begyina dza odzidzi do yi do:
  - a. wiadze amambra, de ɔye ɔman biara dze anaa ɔman kor dze no bəhye mbra a afanu no nyina bəgye ato mu;
  - b. wiadze amandze horow a ɔda edzi pefee a wɔagye ato mu de mbra;
  - d. ngyinado horow a aman a hən enyi ebue agye ato mu;

- e. de mbre Asempow 59 mu asem kyer no,  
gyinae na nkyerkyeremu a ofi aman horow  
do na oye mbra ne fa bi a wogyina do dzi asem.
2. Se afanu no a asem no fa honho no pen do a,  
dem nhyeheyee no nntum nnses Asendzii no no  
tum wo kwan biara do.

## OFA 111

### *Kwan a Wofa Do*

#### **Asempow 39**

1. Kasa a wodze bedzi dwuma wo Asendzii ho nye French na Borofo. Se afanu pen do ma wodze French dzi asem a wodze French so bobua, na se afanu no pen do ma wodze Borofo dzi asem a wodze Borofo bobua.
2. Se afanu no ammpen kasa a wodze bedzi asem no do a, afanu no mu biara bekā kasa a ope. Asendzii no dze French na Borofo bobua asem no.

Se oba no dem a, Asendzii bōdwen ho ehu nsəm a wɔakyerew no no mu dza odzi mu.

3. Se afanu no mu kor fa kasa bi a ennye French anaa Borofo a, Asendzii no bəpen do.

#### **Asempow 40**

1. Wənam gyinae anaa krataakyerew do dze asem

a woboko ekedzi, de mbre asem no tse biara no, befa Asendzii Kyerewfo no do. Mbre otse biara no, wobema afanu no ehu asem kor a wobobo ho nkuro no.

2. Asendzii Kyerewfo no so bema hon a asem no fa honho nyina aso atse.
3. Onam Okyerewfo Panyin no do bema Amanaman Nkabemu Kuw no, na aman biara a wɔwɔ de wobekasa asem no ho wo bagua mu no so aso atse.

#### **Asempraw 41**

1. Asendzii no wɔ tum de ɔkyerɛkyerɛ gyinae biara a ɔwɔ de osi no wɔ afanu no mu biara ne ndzinoa ho, na se okehia a ɔwɔ de wɔbɔ ho ban.
2. Ansaana wobesi gyinae wɔ dɛm asem yi ho no, wobeda gyinae a woesi no edzi akyere afanu no na Bambo ho Egyinatu Kuw no.

#### **Asempraw 42**

1. Wɔdze enyimdzefo begyina afanu no ananmu.
2. Wɔpɛ a wobefa mbranyimfo anaa kasamaafo ma woegyina hon ananmu wɔ Asendzii ho.
3. Enyimdzefo, mbranyimfo, na kasamaafo a wogyna afanu no ananmu wɔ Asendzii ho no benya bambo na ndzinoa a ohia de wɔdze ye edwuma efi Aban ananmusifo ho.

### **Asempow 43**

1. Wobekye kwan a wobefä do no mu ebién: dza wödze ano bekä na dza wobekyerew.
2. Wödze nsäm ahorow biara a woakyerew akëma Asendzii na afanu no ho mbuae na nkrataa biara a woakyerew no dada a noho hia bekä nkrataa a wobekyerew no ho.
3. Wödze nkaabo na mber pokyee a Asendzii no bëhye no bëfa Asendzii Kyerewfo no do.
4. Wödze asem biara a afanu no mu kor biara bëkyerew no ne saso bëma kor a çaka no.
5. Nsäm a wödze ano bekä no so bëye asem a adasefo, abemfo, ekyigynafo, nwomanyimfo na kasamaafo bekä no.

### **Asempow 44**

1. Nsäm a wobekyerew akëma nyimpa bi a wönnys abemfo, mbranyimfo na kasamaafo no, Asendzii no bedzi kan ama dem aman a wödze asem akoto hon nyimpa enyim no aban aso atse.
2. Dem kwan no ara so do na wobefä dze ahwehwë dase anaa nokwasem bi ekyir kwan.

### **Asempow 45**

President na oböhwe Asendzii no do. Se oennya kwan a n'edziekyir, na se hon beenu nyinara ennya kwan a, Otsembufo Panyin na oböhwe do.

## **Asempraw 46**

Wobedzi asem no wo baguamu, gyedz Asendzii no mmpen do anaade afanu no no kyere mu de onnyi de woma nkorofo tsie bi.

## **Asempraw 47**

1. Wobekyerew asem a worldzi no ho anodzisem ma Asendzii Kyerewfo no na President dze hon nsa ahye ase.
2. Anodzisem no nko na wobegye ato mu de odzi mu.

## **Asempraw 48**

Asendzii no bεye nhyeheyε dze akyere kwan a wobefo do edzi asem no, ber a adasefo no bowie hon adasedzi na nhyeheyε a wobεye dze etsie adasedzi no.

## **Asempraw 49**

Ansaana wobεheyε asendzi ase no, Asendzii no botum afre enyimdzefo de wɔmfā nsem a woakyerew no mbra anaade wobekyerεkyere mu. Se wɔammpen do a, Asendzii no bεkyerew ato ho.

## **Asempraw 50**

Asendzii no botum etu ankorankor bi, kuw bi, edwuma bi, nhwehwemu kuw bi a oye ma ɔaayε asem no mu nhwehwemu akyere hon adwen wo ho.

## **Asemponw 51**

Se wordzi asem na wɔpɛ de wobisa adasedzifo na abemfo no asem bi a, wɔbɛfa nhyehyɛ a wɔnam do dzi asem no do de mbre Asemponw 30 kyere no.

## **Asemponw 52**

Se Asendzii no ne nsa kā dase noho biribiara wɔ ber a wɔahye afa dem asendzi noho no wie a, ɔpɛ a, onnkegye dase a wɔdze ano akā anaa wɔakyerɛw a afanu no mu kor pɛ de wɔsan susu ho no ato mu, gyedɛ kor no open do ana.

## **Asemponw 53**

1. Ber biara a afanu no no mu kor enntum ammba Asendzii hɔ, anaa oenntum ennyi sombo bi ano no, kor no a ɔaka no botum akā akyere Asendzii no de wombu no bem anaa wɔngye n'asem no nto mu.
2. Ansaana Asendzii no bεye dem no, ɔwɔ de ɔgye noho dzi de wɔnam Nsemponw 36 na 37 tum do nko na wɔdze reye dem, na mbom dza kor no rekā no yε adze a ɔfa mbra kwan mu.

## **Asemponw 54**

1. Se wɔnam Asendzii no no tum do tsie ekyigynafo, mbranyimfo, na kasamaafo wie a, President no bεpaa mu akā de oewie asem no dzi.
2. Asendzii no bɔkɔ egyna.

3. Se wókó egyna a, gyinae a wobesi no bεyε esumāsəm.

### **Asempow 55**

1. Dza atsembofo dodow no békā na wobεfa.
2. Se wótow amba na ɔpae a, Président anaā Président n'anamusifo no bësan atow bio.

### **Asempow 56**

1. Wóbekyerε ndzembá etsitsir a wogyinā do buu atsən no.
2. Wódze atsembofo a wódween asem ma wogyinā do buu atser. no so edzin békā ho.

### **Asempow 57**

Se atsembofo no nyina hón adwen ennsi kwaa a, atsembofo a aka no so wó ho kwan dε wókyerε hón adwen.

### **Asempow 58**

Président na Aséndzii Kyerewfo no na wódze hón nsa bεhyε atsembo no ase. Wóbəbə enyimdzifo no amandzεε na wóakenkan atsembo no wó bagua mu.

### **Asempow 59**

Gyinae a Aséndzii no besi afa asem no ho no nnkyekyer obiara gyedε afanu nō nko.

## **Asempron 60**

Atsembru no bedzi mu, na wonnkesan afre asem no bio. Se oba no de afanu no no mu kor anntse atsembru no ne nssem bi ase a, Asendzii no bekyerkyere no mu.

## **Asempron 61**

1. Se afanu no mu kor hu asem a woedzi no mu nokwasem bi a wosusu de ono na nkye owo de wogyina do bu atsen no a, wobotum aye ho nkrataa dze akɔ Asendzii ho de wondzi asem no bio.
2. Wobegyina atsembru a wɔpɛ de wɔye nhwehwemu wo mu bio no ne nhyehyɛ do aye ho nkrataa dze akɔ Asendzi ma Asendzii no ahwehwe asem no mu bio enya ho ntseasee de, ampa, ohia de wɔye dem nhwehwemu wo asem no mu, na wɔada no edzi ma obiaro atse.
3. Asendzii no behia ndzemba a wogyinaa do buu atsen no ansaana wɔama kwan ma wɔaahye nhwehwemu no ase.
4. Se wohu asem no mu nokwar wie a cmɔm abosoom esia de wɔdze ye ho nkrataa.
5. Se wodzi asem no wie a wonnkotum asan ahwehwe asem no mu bio wo mfe du ekyir.

## **Asempron 62**

1. Se oman bi susu de owo asem bi a woedzi ho

enyigye, anaaso kwan a wøfaa do dzii asem no woendzi no yie a, obotum aye ho nkrataa aks Asendzii ho de wømma no kwan ma onhuanyan asem no rnu bio.

2. Asendzii no na obesi dem asem yi ho gyinae.

### **Asemponw 63**

1. Aber biara a wøbekä asem afa amambra bi a onnye aman a worldzi hon ntamu asem ho amambra ho no, Asendzii Kyerewfo no dze bøko akoto dem aman no enyim.
2. Oman biara a wødze dem asem no bøko koto n'enyim no botum ehuruw egyna asendzi no mu, anaaso, se asem no ye nokwar a, onodze kwan a wøfaa do buaa asem no bøkyekyer hon nyinara.

### **Asemponw 64**

Asendzii no onnye nsusui fofor biara dze a, afanu no no mu biara bøfa ne kaw.

## **OFA IV**

### ***Adwenkyere***

### **Asemponw 65**

1. Se okuw bi bisa mbra bi ho adwen fi Wiadze Asendzii ho na se Amanaman Nkabømu Kuw no

mbra ma ho kwan de mbre mbra no ne nhyeheyee tse no a, onnyi de Wiadze Asendzii no dze adwen a wɔcɔ no wɔ asem no ho no kam hɔn.

2. Nsembisa biara a wobebisa ho adwen efi Wiadze Asendzii hɔ no, wɔbɛkyerɛw nkrataa akā ho dze akyerɛkyere asembisa a woribisa ho adwen no mu, asan dze nkrataa biara so a ɔbɔboa ma asembisa no no mu ada hɔ kann no so akā ho.

## Asemprɔw 66

1. Asendzii Kyerewfo no dze asembisa a woribisa ho adwen no bɔkɔ akɛma aman a ɔwɔ de wɔba asendzii hɔ anaa Wiadze Ekuw horow bi a Asendzii no susu de wobotum ama no dɛm asembisa no ho adwen no aso atse.
2. Asendzii Kyerewfo no bɛfa kwan soronko bi do anaa dawurbo do ama aman a ɔwɔ de wɔba asendzii hɔ anaa Wiadze Ekuw horow bi a Asendzii no susu de wobotum ama no dɛm asembisa no ho adwen no aso atse.
3. Na se ɔman bi a ɔwɔ de ɔba dɛm asendzii hɔ bekā n'asem no ennya nkra bi a wɔakā ho asem wɔ nkyekyemu 2, mu wɔ dɛm Asemprɔw yi mu no a, obotum akyerɛw n'adwen a ɔwɔ no wɔ krataa do dze akɛma Asendzii no ma woesusu ho.
4. Aman anaa ekuw bi a wɔakyerɛw nkrataa anaa wɔdze ano bekā asem anaa wɔbɛma hɔn kwan de wɔnkā hɔn asem wɔ asembisa bi a ɔman anaa ekuw bi akā na Asendzii no wɔ tum de ɔhwehwɛ mu no, Président na obesi dɛm asem no no mu biara ho gyinae; se ɔba no dɛm a, ɔwɔ de Asendzii

Kyerewfo no dze dəm asem a wɔakyerew ho asem no ho Dawurbo koto aman anaa ekuw a wɔdze dəm asem no bae no enyim. Na se President no ennya kwan ammba aseñdzii hɔ a, Aseñdzii no bohwɛ nsem a wɔakyerew anaa dza wɔdze hon ano akā no mu etsie no bagua mu.

### **Asempraw 67**

Ansaana Aseñdzii no dze asembisa no ho adwen boto gua wɔ Aseñdzii hɔ no, nna ḥkyerew Panyin na Amanaman Nkabɔmu Kuw Ananmusifo, Aman Afofor na Wiadze Ekuw Horow a asem no fa hɔnho no aso atse dada.

### **Asempraw 68**

Se Aseñdzii no dze asembisa no ho adwen roto gua a, ɔwɔ de obu nkɔmpon hwe nhyeheyɛ a wɔayɛ wɔ dəm Mbira fofor yi mu a ɔfa asem a wɔakyerew yi ho so ma Aseñdzii no so gye to mu.

## **OFA V**

### **Nsakyermu**

#### **Asempraw 69**

Kwan a wobɛfa do aye nsakyermu wɔ dəm Mbira fofor yi mu no nye kwan a Amanaman Nkabɔmu Kuw no fa do ye nsakyermu wɔ ne nhyeheyɛ mu no ye pɛr, naaso de mbre nhyeheyɛ a ɔma ho kwan ma aman a hon nsa hyɛ Wiadze Aseñdzii ase naaso wɔnnka Amanaman Nkabɔmu Kuw ho tse no, ɔwɔ de Bambo ho Egyinatu Kuw no dze koto Nyiamu Kuw Kese no enyim ma wɔgye to mu.

## **Asempew 70**

Asendzii no benya tum de oye nsusui bi a ofa nsakyermu a owo de woye wo dem Mbra fofor yi mu no ho, se noho hia a, wodze noho nkrataa bokó akemá Ākyerewfo Panyin ma oesusu ho de mbre Asempew 69 mu nsəm kyere no ara per.

Chapter	-	ɔfā
Charter of the United Nations	-	Amanaman Nkabomu Kuw Ho Nhyehyεε
Court Registry	-	Asendzii Kyerewfo
Court	-	Asendzii
General Assembly	-	Nhyiamu Kuw Kese
Trusteeship Council	-	Nhwedo Egyinatu Kuw
Permanent Member	-	Akɔrbɔtofo
Article	-	Asɛmpɔw
Secretariat	-	ɔkyerewfo Edwuma mu
Declaration	-	Mpaamukasem
Procedure	-	Kwan a wɔfa do
Advocate	-	Kasamaafo
Security Council	-	Bambɔ Ho Egyinatu Kuw
Secretary General	-	ɔkyerewfo Panyin
League of Nations	-	Amanaman Kuw
Amendment	-	Nsakyermu
Trust Territory	-	Nhwedo man
Copy	-	Saso
Voting	-	Ambatow
Miscellaneous	-	Nkekaho
Functions and Powers-		Dwumadzi na Tum
The Economic and	-	Sikasem na Asetsena
Social Council		Egyinatu Kuw
Composition	-	No Mu Nyimpa
International Economic- and Social Co-operation		Wiadze Aman Sikasem
Advisory Opinion	-	Nkitahodzi
Tribunal	-	Adwenkyere
Compensation	-	Trabuna
Special Allowance	-	Abodwee Sika
Organs	-	Ndzinoa
		Nkorbata